

廈門志

卷一繪圖 卷二分域

廈門志十
六卷

金門志副刻

道光己未季秋七月開雕
板藏玉屏書院

原門志序尚矣一統
地志而外有志通志如府志
大州志縣外志如名山志
盛也。亦別志。宋嘉禾

冀。明曰。中左所同安。
縣。十一里。一百。
廣。袤。不。及。七。十。里。田。
畝。不。及。百。十。頃。區。上。
一。陽。孤。縣。海。中。有。志。
何。也。蓋。自。臺。灣。人。版。

番。我。國。家。聲。教。所。暨。島。夷。
卉。服。志。王。悉。臣。求。朝。
貢。而。通。市。者。史。不。絕。
書。厦。門。霧。泉。漳。之。交。
扼。臺。灣。之。要。為。東。南。

集。四。方。之。民。雜。處。其。
閭。涵。濡。沐。浴。乎。
聖。神。之。化。者。百。有。餘。
年。士。蒸。而。蔚。起。民。
者。以。謀。生。雖。一。里。
也。而。規。模。廓。于。一。邑。

矣。凱以道先十年冬
觀察閩南政事餘閒
一投覽載藉二府一州
一聽九縣之志莫不
備具適重濟通志奉
檄采訪近聞得薛起

鳳鷺江志而讀之。所
載皆當日時事。并及
訛哥而于政事之要。
未暇詳備。殆與記雜
記之書。未可以云志。
田復經羅叢軼搜撫。

羣言稽之會典。徵之
案牘。與士林諸君子
相孝。訖。趙。二。年。而。書
成。凡。十。有。六。卷。名。曰。
文。獻。門。志。惜。邊。地。狹。隘。
物。無。多。自。宋。以。上。

唐。育。陳。希。儒。薛。令。出。
二。人。餘。無。概。見。惟。于。
本。朝。掌。故。庶。幾。賅。舉。
用。備。後。來。者。以。遵。率。
夫。凱。以。監。司。奉。
命。巡。視。斯。邦。二。季。于。

茲矣。自問無所建白。且于一府一州聽縣。以志未遑重脩。願交。交于陽中之志。亦足。自形其陋也矣。大清道光二年歲

在壬辰福建興泉永
在壬辰福建興泉永
防兵備道富陽周
凱謨



廈金二島志序

道光十五年春三月

福建通志成。澍然將

去福州而歸。念廈門

周芸皋觀察。澍然好

友。此去息影衡廬不

復出。不可以不別。遂
之廈門。居數日。觀察
出手。誤廈金二島志
示澍然。澍然受而孛
業。贊于觀察曰。是志
也。志同安縣馬巷廳

二里尔。語地大小尚
不得比縣志。然實關
天下之故焉。厥功偉
矣。觀察曰。何言之夸
也。曰。我
國家拊有臺灣。化獠

關莽海道大通。比內
郡東南數千里。聲息
順風數日可達。臺灣
無事則內郡晏然。而
粵之潮。浙之定海。江
南之上海。俱寢戈櫓。

成。同樂太平。往者鄭
氏據二島。取臺灣于
賀蘭。兵不血刃。康熙
十九年。我督臣姚撫
臣吳提臣萬楊統大
師收二島。於是靖海

侯施以一旅拔澧湖。
陳兵海上。鄭氏以降。
是臺灣扼東南四省
之要。二島又扼臺灣
之要也。謹案春秋書
城。緣陵不繫。杞城。席

牢不繫鄭。傳者謂關
天下之故。夫緣陵虎
牢亦把鄭一地。然
則二島雖縣廳一里。
固今日之緣陵虎牢
也。以為關天下之故。

殆不夸也。觀察曰。然。
屬為序。因錄前語。申
之曰。志列圖表。略考
傳記。摠目六。分目十
四。又各繫小目。既詳
且核矣。而於兵防。綫

道臺運關賦尤留心
爲吾意是書出官司
得識其職。人民得實
其澤。肯吏無所藏其
姦。豈惟紀載。廼吾觀
察治謫也。通志雖周

一省。而握要以治。恐
未肯以此易彼。志何
論大小哉。澍然之來
也。方快汎海。惟平生
志。讀是。似。又不免望
洋之歎。此行殊不虛。

也光澤高澍然撰



敘

廈門本同邑之一隅。面海環山。地形險要。自我

國家奄有臺灣。其地遂為渡
臺之阨塞。於是設水師提督
呂統巡哨。移興泉永道呂資鎮
撫。復設分守呂理民事。斷庶獄。

文武具備。城市亘延。百餘季來。生齒日繁。闌闌民居。不下數萬戶。儼然東南一都會焉。連山羣壑。恠石危峯。磊落瑰琦。甲於閩南諸郡。顧前此未有志。自道光十年冬。周芸皋觀察蒞任。適大府重脩通志。目於采訪之

餘。網羅散失。拓拾舊聞。奮而
成編。旋呂檄委調臺。未及刊刻。
今季夏余奉

命來巡。甫下車即取其稿閱之。
首分域。次兵制。次防海。次船政。職
官則名宦別詳其政績。選舉
則文學具述其生平。至於書院

義學所。呂造士育材。育嬰義倉。所
以卹孤儲蓄。呂及孝子順孫。義
夫節婦。高尚獨行之士。山林畸
跡之流。載在邑乘。得之傳聞者
皆采入。呂備掌故。而於海口之巡防。
賈舶之稽覈。凡事關體要者。莫
不縷析條分。犁然具備。官斯土

者。攷其山川。察其風俗。徐而措
之。政事即可。且是書為考鏡。則
斯志也。豈特為同邑一隅之記載
而已哉。予蒞任甫逾半載。即又
奉

恩命調任江南。恐是書久而散失。
因亟與陳提軍。化成各捐廉若

予為之倡。而屬孫參戎雲鴻。呂孝廉世宜。專司校讐。付諸剞劂。呂成芸。身觀察之志。爰弁數語於簡端。敘其大略。且呂誌不忘斯土之情云。是為敘。

道光十八年歲在戊戌秋九月既
望

賜進士出身

誥授中憲大夫福建興泉永兵
備道調任江南河庫道黎攀鏐
謹敘。



叙

道光四年予奉

天子命鎮金門。至十

一年又奉

命提督全閩水師。建

牙廈門。時官興泉永

道為富陽周芸皋先生。先生負文章經濟才。前由史館出守襄陽。遷黃德道。移官於此。下車即訪三郡志。興利除弊。政聲四起。

闔廈商民尤便之。其
為人坦亮無城府。遇
有公務。予輒喜與商
推前後共七載。暇時
嘗語予曰。廈門東抗
臺澎。北通兩浙。南連

百粵人烟輻輳。梯航
雲屯。豈非東南海疆
一大都會哉。乾隆間
鷺江固已有志矣。特
繁冗與踈漏交譏。凡
形勝兵防吏治民生。

一切要略皆闕。是不
可不廣其紀述。以為
一方文獻。予極憇。愚
之會。宮保孫平。并
制軍奏脩通志。檄徵
郡邑乘。備志局采。先

生遂廣集羣書。延紳
士陳徵君雪航。凌孝
廉文藻孫都尉儀國
諸生林遜甫。分門輯
纂。自摠厥成。而先生
選臺澎道去。故未付

梓。客歲署廈防同知
盧大令鳳琴與予所
延教讀師洪孝廉香
沙讀之。喟然曰。是芸
皋先生一生精力所
存。不可不為歲厥事。

以示不朽。予喜成人
美。爰捐俸以為之倡。
夫廈為予所治地。山
川阨塞邊防要轄。與
夫軍民風土情狀。日
往來於胷中。憶自海

氛告警。鯨鯢。鷓鴣。張。予
時方從諸將戮力行
間蕩瑕滌穢。先生固
未涖斯土。即涖此。亦
軍書旁午。無遑及也。
幸數年。萑苻潛蹤。得

從容討論於鈴閣餘
閒菲才如予亦獲時
聆其教益豈非三生
幸事哉獨惜其人已
往不及親見付梓為
可恨耳然書成後之

官斯土者。觀先生之
纂述。資先生之治理。
流連反覆。如見先生
之風采。緒論不唯先
生之文章。不朽而惠
澤亦垂於無窮矣。九

原。有。知。不。且。輾。然。泉
壤。耶。至。於。是。書。肯。要。
高。舍。人。已。詳。其。言。茲
不。復。贅。故。第。叙。其。交
誼。及。書。之。緣。起。顛。末
如。此。

道光十九年八月
欽命福建省水師提
督軍門蓮峯陳化成
序



序泉之領縣五其煩而劇者
曰晉江曰同安。厦門則又
同安一隅耳。然四面環海
於金門為犄角。於漳郡為
咽喉。故自提軍五營而外
興泉永道駐焉。厦防同和。

亦駐焉。富陽周苜皋先生
以道先十年宮興泉永道
而鳳琴以十二年令晉江
後又令同安。皆於先生為
屬吏。曰有所咨。月有所請
先生不以為愚。教且誨焉。
其時。厦門志己成。謂鳳琴

曰。自予來此。於民無德。然
聞。二十四月。而成此書。於
治。之。要。領。民。之。利。病。頗。自
詳。志。鳳。琴。時。唯。唯。而。退。第
志。不。敢。忘。及。鳳。琴。來。官。履
防。同。知。先。生。己。辭。世。矣。思
其。人。讀。其。書。考。其。風。俗。條

章之民而也。無其
也。書之泣且德教
鳥之思茲育于令。
可不先民裨民然
不可生者於者。後
刊沒如也。後大和
之如昨先之育先
君此也。生官德生
壽其先沒茲于所
世章生矣。士民謂

壽先生。於。是。黎。觀察。半。
樵。將。調。江。南。鳳。琴。亦。得。回。
任。晉。江。與。陳。提。軍。蓮。峯。謀。
刺。以。觀。察。為。文。弁。諸。首。而。
使。鳳。琴。繼。之。鳳。琴。記。前。惠。
安。縣。婁。君。重。脩。縣。志。書。成。
嘗。句。先。生。為。之。序。序。以。先。

生重也。鳳琴何敢序先生
文哉。然以鳳琴為先生屬
更受先生之教。被先生之
遇。敢執卑不頌尊之義。一
以不文辭。亦豈所以款先
生也哉。遂序之。
道光十八年戊戌冬十月

署原防同知盧鳳琴撰



敘

嘉慶二十五年庚辰趙穀
士先生主講紫陽書院。謂
雲鴻曰。廈門不可無志。時
雲鴻以薛氏鷺江志對。先
生曰。夫志敘事紀實。體例
謹嚴。必明于義法。習于典

故。是之謂志。薛氏書於史
例未合。備采拓可也。迺謀
諸倪觀察竹泉而不果。庚
寅雲鴻以承蔭通判兼龍
世職入京。蒙

恩准罷世職。發標回廈。會
周觀察芸臬先生議脩廈

門志。黃司馬心齋舉凌孝廉文藻。陳徵士雪航。林茂才遜甫。暨雲鴻以應。雲鴻自矜武夫。不習文事。固辭。觀察不之許。于是各分門。類雲鴻為輯。兵制海防。番市紀兵山川津澳。觀察以

為可。其分域藝文職官選舉列傳列女傳風俗則皆凌孝廉陳徵士林茂才所為。其舩政臺運關賦則據諸案卷觀察揔而正之。凡二十四月而成。時道光壬辰也。將謀付梓。適觀察調

任臺灣。遂以副本留呂孝廉西邨處。越次年。觀察竟卒於官。噫。是書為觀察歷年苦心。竟不得適觀。厥成也哉。戊戌雲鴻權中衡暴戎西村設絳署中。出所留稿本。陳提軍蓮峯黎

觀察半樵共觀之。咸嘉歎。謂有裨政要。宜梓行。遂各倡捐廉俸。囑盧司馬師竹暨雲鴻共葺厥事。仍囑西邨取所謄本合稿本兩相對勘付刻。蓋提軍與芸皋觀察共事七年。同寅協

衷嘗共倡脩玉屏書院。今
又與半樵先生完芸泉
觀察生平未了之心。豈非
極不朽盛事哉。所異者。是
志之作。議自穀士先生。訖
壬辰而書成于觀察。中間
相去二十餘年。是何其時

之久也。初作志時。西村不
與其事。書成藏諸其家。今
復七八年。始任校正之後。
又何其事之巧也。若雲鴻
則以受芸臯觀察知。自初
事至今。不敢不勉。所謂以
此始者。以此終。非歟。

道光十九年己亥十月調
署福建水師提標中軍叅
將事後營遊擊世職騎都
尉軍功加一級儀國孫雲
鴻序



廈門志凡例

一廈門地屬彈丸原不必立志因爲海疆要隘渡臺通洋正口其政事有關通省謹錄會典則例分別部居次爲各卷以資考証書中凡恭遇

列聖諭旨勅令應三抬雙抬單抬者敬遵

御製詩注或空三字二字一字謹書以省卷帙

一圖載居卷首廈門南普陀寺前於乾隆五十三年

恭建

純廟御製平臺灣林爽文詩文碑記護以四亭及

御賜朝天宮風神廟朝宗宮匾額地方官歲時守護

天藻輝煌。萬民瞻仰。實廈門之盛典。敬謹繪圖。并

御賜諸提督臣匾聯。俱恭錄

宸翰。弁諸卷端。以昭慎重。

一 凡志皆繪祠廟公廨及八景十二景。廈無學校。故祇附書院。而不及公署。雖相傳有八景十二景之說。滄溟大觀。正不在此。不載。

一 分域。凡一島之事。先各備載。再及諸政。

一 屢爲水師所駐。有提標五營。而無陸營。以防海也。巡緝所轄之地。不止廈門。兵制宜詳。

一 防海之事甚大。不獨所分汛口。汎地也。茲旣載在

島及附近各汛。附以風信潮信占驗。及臺澎海道南
北洋海道俾哨弁買船得所取資。

一廈門政事之大者。莫如船政。臺運海關三者。故次
及之。而以島上之田賦。漁稅關賦附焉。

一廈門爲販洋正口。自海禁旣開。賈船迭出。關稅充
盈。民之衣食賴之。近則販洋之船日少。故就各書及
賈船所能言者載之。各洋朝貢通市諸國。仿漢書東
夷南蠻例爲傳。先會典。次疆域水程。次歷代沿革。次
風俗人情。埔頭土產交易。各屬國附焉。名曰番市。

一藝文。文獻之徵也。先載書籍之目。奏疏記續有關

廈門者選錄前人文集詩集有可採者亦採焉。

一職官表文秩廈門舊設一巡司後移駐巡道及同知與水師各營分爲文武二表而附以名宦諸傳提鎮所轄不止廈門其戰功在海洋及臺澎者並入傳以職論也。

一選舉二表寥寥數十人凡遷居廈門而籍隸漳州及他府者皆錄。

一列傳文曰官績武曰武功及忠義孝友義行文學流寓隱逸方技方外皆爲列傳流寓以暫時客寄者言明季諸老兼居廈門統詳志中傳末間系以論。

一劉向列女傳凡婦人有懿行文藻者皆傳。茲傳貞烈節孝之餘。並傳賢德婦人。次列傳後。

一旌例婦人稱氏。貞女稱名。今閩南婦人皆有名曰某孀。攷漢書婦女書名書姓。今從古。有名者書名。傳中稱姓不稱氏。

一節婦以守節之年爲重。期於旌例合也。于歸之年從畧。夫名里居必書。知其父名者書父名。知其子名者書子名。俾後人得所考。且爲氏族光也。以他姓子爲子。非禮也。不書。間有族無可繼。撫有養子。出於不得已者。則書抱養子義子以明之。

一履界泉漳。奢僨具淫。爲俗不一。然齊魯至道。不過
難易使親疏崇敬。上下歡欣。同歸於化者。是在司柄
者轉移之功。而後來亦可以是觀政。故卽舊事志所
未備補載之。

一舊事志。寇亂夷氛。郡志詳書。屢爲濱海巖疆。尤資
防禦。故遠載變亂。近紀用兵。爲舊事志附叢談。悉著
於篇。

纂修廈門志姓氏

總纂

福建分巡興泉永海防兵備道 周 凱

分輯

閩 清 縣 儒 學 教 諭 凌 翰

辛巳科孝廉方正候選縣知縣 陳榮瑞

署福建水師提督中軍叅將 孫雲鴻

同 安 縣 廩 生 林焜熿

總校

壬 午 科 舉 人 呂世宜

分校

丁酉科舉人林鵝騰

平和縣監生莊中正

龍溪縣生員楊廷球

捐刻

福建分巡興泉永海防兵備道黎攀鏐

福建水師提督軍門陳化成

廈防同知蔣鏞

署廈防同知盧鳳琴

署福建水師提督中軍叅將孫雲鴻

徵引書目

欽定勝朝殉節諸臣錄

會典

欽定四庫書簡明目錄

福建通續志

乾隆二年謝道承等
三十三年沈廷芳等

泉州府志

懷蔭布

康熙同安縣志

朱奇珍

乾隆同安縣志

吳

鍾

漳州新舊府志

龍溪縣志

吳宜燮

海澄縣志

臺灣府志

六十七等

臺灣新舊縣志

王必昌
薛志亮

諸羅縣志

周鍾瑄

南灣志

齊翀

澎湖續編

蔣鑰

滄海紀遺

洪受

名勝志

鷺江志

薛起鳳

嘉禾名勝記

黃日紀

廣輿記

銀同歷朝登科便覽

失名

普陀山志

許

炎

續宏簡錄

史緯 元歐陽元

明史張廷玉奉勅撰

明史紀事本末 谷應泰

通鑑綱目

南畝釋史摭遺

朱子全書

道南源委

閩書 何喬遠

續閩書 林 霍

文獻通考 馬端臨

郡國利病書 顧炎武

讀史方輿紀要

籌海圖編 胡宗憲

備倭圖記 卜大同

東西洋考 張 燮

三藩紀事

平圖疏 楊 捷

東平紀畧 江 日昇

海紀輯要 夏 琳

武功紀盛 趙 翼

平臺紀畧 監 鼎元

海國聞見錄 陳 倫炯

紀効新書 成 繼光

東槎紀畧 姚 瑩

赤嵌筆談 黃 叔燾

稗海紀遊 郁 永河

舟師繼墨 林 君陞

水師要畧 吳 必達

菜根清譚 黃 日紀

全唐詩

新定全唐文

明詩綜 朱 彝尊

溫陵名勝詩註 夏 質夫

全閩詩話 鄭 方坤

閩中詩話 葉 晴峯

全閩詩雋

黃日紀

榕林彙咏

黃日紀

登州全集

林弼

遵岩全集

王慎中

次崖全集

林希元

紫峰全集

陳琛

遜菴全集

蔡復一

叢青軒集

許獬

清白堂稿

蔡獻臣

百一齋稿

蔡守愚

止崑存稿

林應翔

晃岩集

池顯方

鏡山集

何喬遠

留菴文集

涪島節烈傳

方輿互考

島噫集

並盧若騰

戲餘草

盧勗吾

劉子全書

劉宗周

石齋文集

黃道周

湄龍堂集

紀文時

吾浩堂集

三異人集

石青遺稿 並紀許國

滄湄遺稿 林 霍

交行摘稿 徐孚遠

夕陽寮存稿 阮文錫

浩然小草 楊秉機

同江集 張對墀

鹿州集 藍鼎元

鮎埼亭集 全祖望

壯悔堂集 侯朝宗

甌北集 趙 翼

本朝文讀本 袁 枚

兩島始情集 黃夢琳

瑤洲詩鈔 許 炎

荔厓詩鈔

歸田集 並黃日記

鷺江贈別詩鈔 俊 琇

文川文集 黃 濤

夏商志

泰雲堂集

孫爾準

大雲山房集

惲敬

藝海珠塵

涪江集

蕭重

諸家家譜

廈門志目錄

卷一

繪圖

廈門圖

仙碑亭圖

萬壽宮圖

朝天宮圖

風神廟圖

朝宗宮圖

玉屏書院圖

紫陽書院圖

御製碑文
御賜匾聯

卷二

分城畧

沿革

形勢

山川

石刻

古蹟

城都圖

街市

地輿

津海

舖遞

城寨

官署

書院

倉庫

廟宇

墳墓

祠廟

坊表

墳墓

義塚

施棺廠

育嬰堂附

卷三

兵制考

職官裁設 兵額裁設 五營汛防 會哨
 操演 班兵 官俸 兵餉 優卹 馬匹
 戰船 軍器

卷四

防海畧

歷代建置 汛口 汛地 砲臺 瞭望 墩臺 嶼
 港 渚 潮信 風信 附占 墩臺 澎湖 海道 南洋 莫
 海道 北洋 海道

卷五

船政畧

造額式 泉廠建置 脩造 各色小船 洋船 各色船 番船

卷六

臺運畧

倉數 配運 專運

卷七

關賦畧

海關 額稅 關差 稅口 樑頭 船稅
例禁 關稅科則 戶口 賦 鹽課 地稅
船稅 漁課 渡稅

卷八

番市畧

通洋例禁
東南洋詳錢夾東洋
南洋詳考附
西洋
西南洋

卷九

藝文畧

書籍目錄
詩
疏
咨
論
議
書
記
序

卷十

職官表

兵備道
廈防廳
石灣司
提督
五營將備

卷十一

選舉表

進士
舉人
貢生
封贈
封爵
封典
武科
封爵

卷十二

列傳上

宦績

武功

忠義

孝友

卷十三

列傳下

義行

文學

隱逸

流寓

方技

方外

卷十四

列女傳

卷十五

風俗記

卷十六

舊事志

史蹟 叢談附

廈門志目錄終


附載

周公墓誌銘 公祭周芸華先生文

廈門志卷一

廈門圖


廈門全圖






御碑亭番







萬壽宮圖






朝 天 宮 圖






風袖廟朝宮高





玉屏書院





紫陽書院
圖







御製勦滅臺灣逆賊生擒林爽文紀事語

平伊犁定回部收金川是三事皆闢大政各有專文勒太學誅王倫翦蘇四十三洗田五是三事雖屬武功然以內地懷慙弗殫其說至於今之勦滅臺灣逆賊生擒林爽文則有不得不詳紀顛末以示後人者向之三予惟深感

天恩蒙厚貺次之三予實資眾臣之力得有所成若茲臺灣逆

賊之煽亂乃卒然而起兵出於不得已而又不料其成功若是之易也蓋自康熙二十二年平定臺灣之後歷雍正逮今乾隆戊申百餘年之間率鮮卅歲寧靜無事而其其者惟朱一貴及茲林爽文朱一貴已據府城僭年號林爽

文雖未據府城。然亦僭年號矣。朱一貴雖據府城。藍廷珍率兵七日復之。不一年遂平定全郡。林爽文雖未據府城。亦將一年始獲首渠。平定全郡。則以領兵之人有賢否之殊。故曰事在人爲。不可不慎也。林爽文始事之際。一總兵率千餘兵滅之。而有餘。及其蔓延猖獗。全郡騷動。不得不發動兵。命重臣。則予遲速論所云。未能速而失於遲。予之過也。然而果遲乎。則何以成功。蓋遲在任事之外臣。而速在籌策之予心。故始雖遲而終能成以速。非誇言也。蓋紀其實而已。若黃仕簡任承恩。初遲矣。而予於去年正月卽命李侍堯速往代常青。爲總督辦軍餉。常青往代黃仕簡。

藍元枚往代任承恩司勳賊之事而郡城與任簡弗致失

於賊手是幸也是未遲也

黃仕簡任承恩既至臺灣南北互相觀望兩月餘遂至與賊以

暇日以滋蔓幸子於正月初旬值李侍堯入覲卽命符代
常青爲總督而命常青代黃仕簡又隨命藍元枚代任承
恩是以郝壯猷於三月初八日自鳳山棄城敗歸立卽置
之於法常青適於初九日到郡整頓兵威屢挫賊鋒郡城
得以無失使常青不卽到則郡城必失守任簡或被賊獲
皆未可知是始雖遲而實未爲遲也

旣而常青祇能守郡城藍元枚忽以病亡是又遲矣而

天啟子衷於六月卽自甘省召福康安來熱河授之方畧八月

初卽命福康安海蘭察率百巴圖魯及各省精兵近萬往

救諸羅是又未遲也

常青雖固守郡城未能親統大兵往救諸羅藍元枚正籌會勦旋以病亡

又孝子於六月內早令福康安來覲熱河卽命於八月初二日同海蘭察率百巴圖魯侍衛章京百餘人馳赴圍省

並預調川湖黔粵精兵近萬人分路赴閩。維時諸羅被圍日久糧餉大罄道梗不能運送。若非天啟予衷及早命重臣銜勁旅前往。幾至緩不濟事。是常青等救諸羅罪。而於所料亦未爲遲也。

福康安等至大擔門。開舟阻風。風畧定而啟行。又以風遮至崇武海。不能進。是又遲矣。然而候風之際。後調之兵畢至。風平浪靜。一日千里。齊至鹿仔港。是仍未遲也。福康安到廈門

於十月十一日自大擔門開船。被風打回。十四日得風駛行半日。又以風遮至崇武海。停泊。似覺遲滯。無當此候風之際。四川屯練二千。廣西兵三千俱至。而風亦適利。遂於二十八日申時放洋。至二十九日申時。兵船齊抵鹿仔港。千里洋面。一帆直達。其餘之兵亦陸續配渡。福康安率此半力之兵。自日內頓解諸羅之圍。繼克賊巢。生擒逆首。是未渡以前若遲。而計其成功。又未可爲遲也。夫遲之在人。而

天地神明護佑。每以遲而成速。視若危而獲安。有如昔年開感。

論所云者予何脩而得此於

天地神明之錫祉哉如是而不益深敬畏勤政愛民明慎用兵則予爲無良心者矣予何敢抑又何忍乎夫用兵豈易言哉必也凜

天命屏已私見先幾懷永圖方寸之間日日如在三軍前而又戒掣肘念衆勞且予老矣老而精神尚健不肯圖逸以遺難於子孫臣庶藉以屢成大勲此非

天地神明之佑乎亦豈非弗失良心得蒙

天監乎福康安等解圍殲賊以及生擒賊渠諸功績已見聯句之詩之序茲不贅言獨申予之不得不用武又深懼用武

之意如是。以戒後世。占驗家以正月朔旦值剝蝕爲兵戈

之象。遠者莫考。自漢至明。屢逢其事。然亦有驗有弗驗。

元


日食自漢迄明有四十七。其本係政治廢弛及僭竊偽朝。無論已。如唐之太宗。宣宗。元旦日食。其年俱寧靜無事。至宋仁宗。四十餘年之中。元旦日食者四。最後嘉祐四年亦無事。此其弗驗者也。惟寶元元年。元昊及康定元年。元昊寇延州。皇祐元年。廣源州蠻儂智高寇邕州。又元代世祖至元二十九年。元旦日食。是年廣西上思州土官黃聖許結交趾爲援。寇陷忠州。江州。若昨丙午。可謂有驗矣。以予及華陽諸縣。此其有驗者也。

論之千歲。日至可坐。而致剝蝕亦可竿而定也。既定矣。其邇逢與不逢。原在依稀懔恍之間。且亦乏計預使之必然也。若使之無。是爲詐也。不惟不能避災。或且召災。故史載

宋仁宗朝第二次康定元年春正月朔當日食。司天楊惟

德請移閏於庚辰歲。則日食在正月之晦。帝曰。閏所以正天時而授民事。其可曲避乎。不許。夫日食必當在朔。可知古稱月晦日食者。見移閏曲避之術耳。至於不得已而用兵。惟在見幾而作。先事以圖。遲不失於應機。速不失於不達。惟敬與明。秉公無私信賞。必罰用兵之道。其庶幾乎。夫行此數端。甚不易矣。知不易而慎用兵。又其本乎。凡軍旅事。必當有方畧之書。書成卽以此語冠首篇。亦不更爲之序矣。

乾隆五十三年歲次戊申春三月吉日立



鄧製平定臺灣告成熱河

文廟碑文

昨記平定臺灣生擒二兇之事。亦既舉平伊犁。定回部。以金川爲三大事。而文勒太學。其次三爲誅王倫。翦蘇。四十三。洗田五。以在內地。懷懋弗赫其事。而平定臺灣介其間。固弗稱勒太學。然較之內地之次三。則以孤懸海外。事經一年。命重臣。發勁兵。三月之間。擒二兇。定全郡。斯事體大。訖不可以不紀。因思熱河

文廟。雖承德府學耶。而予每至山莊。必先展拜廟貌。秋仲丁祭。嘗遣大學士行禮。則亦天子之庠序矣。且予去歲壽臺

灣之事。曰於斯。

天佑予衷。命福康安海蘭察率百巴圖魯以行。及簡精兵近萬。亦發於斯。而諸臣涉重洋。冒艱險。屢戰屢勝。不數月而生擒二兇。且無一人受傷者。是非

上蒼默佑。

海神助順。曷克臻斯。則予感謝之誠。兢業之凜。亦實有不能已於言者。籌於斯。發於斯。臻於斯。

文廟咫尺。我

先師所以鑒而呵護者。亦必在於斯。記所謂受成告成。正合於是地也。則平定臺灣。告成熱河。

文廟所爲禮以義起。非創實因。且予更有深幸于衷。而滋懼於懷者。予以古稀望八之歲。五十三年之間。舉武功者凡八七胥善成。其一惟征緬之事。以其地卑濕癘瘴。我軍染病者多。因其謝罪求罷兵。遂以振旅。是其事究未成也。近據雲南總督富綱奏報緬甸謝罪稱臣奉貢之事。命送其使至熱河。將以賜宴施惠。是則此事又以善成於斯矣。夫

奉

天治民百王誰不爲天子。而予以涼薄仰賴

祖宗德施受

天地恩眷獨厚。近八旬之天子。歲八事之武功。於古誠希。示後

有述。使一事尚留闕欠。予之懷戀。終不釋也。自今以後。益惟虔鞏持盈。與民休息。敢更懷佳兵之念哉。夫

天地。天子之父母也。子於父母之恩。不可言報。中心感激。弗知所云已耳。繫之辭曰。

瀛壖外郡。閩嶠南區。厥名臺灣。古不入圖。神禹所畧。章亥所無。本非扼要。棄之海隅。朱明之世。始聞中國。紅毛初據。鄭氏旋得。恃其險遠。難窮兵力。每爲閩患。訖無寧息。

皇祖一怒。遂荒南東。郡之縣之。關我提封。一年三熟。蔗薯收豐。

漸興學校。頗晉生童。始之畏途。今之樂土。大吏忽之。恣其

貪取。

臺灣遠隔重洋。風濤冒涉。其始陞調之員。原以爲良途。旣以該郡物產豐饒。頗獲厚利。調任之員。不以涉

險為慮。蟬且視為棄土。如近日福康安等參奏。又職自盡。員以至應縣武職。自總兵以至守備千總。巡查口岸出入。船隻於定例收取。辦公飯食之外。婪索陋規。每年竟至盈千累萬。而皆撫大吏。聊護之耳。且難周。不能詳查。於是益無忌憚。茲據參奏。不可不分別嚴加懲治。以儆官邪。而申國憲。

既嬉其文。復恬其武。匪今伊昔。叛亂屢覩。向辛丑年。昨丙

午載。一貴爽文。其亂為最。地方文武既皆習於恬嬉。則文員祇知飽其慾壑。豈復以撫字

為心。武員甚至縱兵離營牟利。並自總兵以下。各衙內設

立四項差名。目多者二百人。少亦三十餘人。存營之兵

無幾。又豈復以捺練為事。以致奸民既得藉口。更無畏心。

場誘愚民。屢形叛亂。其甚者如康熙辛丑年之朱一貴。故

昨丙午歲之林爽。文。料與貴。水陸提督。發兵於外。奈相

據城借號。更為罪大惡極。

觀望。賊益張大。林爽文滋事之始。水師提督黃壯簡陸路

提督任承恩一同帶兵渡海。兩可即時撲

滅。不意南北互相觀望。遂致賊勢日益披猖。

天啟予衷。更遣重臣。百巴圖魯。勇皆絕倫。川湖黔粵。精兵萬人。

水陸並進。至海之濱。

上年正月。雖燭於先命。李侍堯代。常青爲總督。而以常青爲將軍。專司。

征勦。常青究未經行陣。祇能保守府城。不能奮加勦賊。幸

天福予衷。六月內。卽諭令福康安入覲。熱河。繼而常

青亦請旨。另簡重臣來闕。隨於八月初。命福康安爲將軍。

海蘭察爲參贊。帶巴圖魯侍衛章京等百人。並預調四川

屯練二千。廣西兵三千。湖南兵二千。貴州

兵二千。水陸並進。以待福康安至。彼領勦。至海之濱。崇武

畧駐。後兵到齊。恬波徑渡。一日千里。以遲爲速。叶

至。

神

佑之故。

福康安等至。廈門於十月十一日。自大橋門開舟。連次遇風阻。復在崇武灣守候。逾旬。適四川屯

練與廣西之兵。踵至。而風亦轉利。遂於二十八日。申刻放

洋。至二十九日。申刻。兵船共百餘隻。齊抵鹿仔港。千里洋

面。一日而達。其始似覺遲滯。而旣渡之後。所向無

前。轉得迅蕲大功。信非神靈佑助。何以致斯。馳救諸

羅羣賊蜂擁列陣以待。不值賈勇。如虛獲免。業角離種。

刻解圍。義民歡動。

維時賊匪久圍諸羅。聞大軍既至。亦蜂擁迎拒。福康安海蘭察及巴圖魯等卽

日統兵前進。勦殺無算。立卽解圍。義民等無不歡忻踴躍出城迎師。

斗六之門。爲賊鎖鑰。

大里之村。更其巢落。長驅掃蕩。如風捲箨。夜擣眷屬。內山

逃托。

斗六門爲賊門戶。最爲險要。官兵乘銳立拔。隨卽擄其大里村巢穴。林爽文胆落。連夜擄其家屬逃至埔

裏社埔尾一帶。遂成釜底游魂矣。

生番化外。然亦人類。休之以威。賚之以

惠。彼知畏懷。賊竄無地。遂以成擒。爽文首繫。

先開林爽文計窮卽欲逃

入內山。而生番狙獷。未必能喻利害。或將逆首。悉匿則難速滅。預命福康安既休。以威復賚。以惠生番等果卽傾心

効命。協同官兵社丁人等。竟於正月初四日。在老街崎地方。將林爽文生擒解京。俾元惡不致漏網。可知凡有血氣

無不各知自爲。顧所 狼狽爲奸。留一弗可。自北而南。如上

臨下。叶海口遮羅山塗關鎖遂縛大田畧無遺者。

叶文逃

入內山勢已成擒莊大田在鳳山一路窺伺府城慮其事
急通海而逸乃福康安悉心籌畫預令烏什哈達帶水師
兵丁絕其去路而分巴圖魯等分爲六隊各自山梁挨次
排下四面合圍適值順風烏什哈達水師之兵連檣而至
沿海密佈莊大田逃竄無路立即就擒并其頭目四十餘
人無一脫者又殺賊衆二千餘名又有逃入柴城踞壩各
番社者三百餘人被生番等立即擒獻伏誅二人同心其
於是賊匪一時殲戮殆盡合郡頌稱平定

利斷金曰福康安智超謀深曰海蘭察勇敢獨任三月成

功勲揚古今既靖妖孽當安民庶善後事宜康安並付定

十六條諸弊祛故永奠海疆光我王度

此次臺灣用兵其始不能滅賊非盡

由士卒怯懦之故亦由領兵者不得其人遂致稽延時日
若福康安之智謀算無遺策海蘭察之勇敢所向披靡可
謂一時無兩而又同心共濟以此士卒用命勢如破竹未
及三月而大功告成洵能不負任使至於平定之後不可

天

不亟籌善後之方。以爲永靖之計。嗣蒙福康安奏定。袪除積弊十六條。俱能悉心。復酌切中肯綮。已令大學士九卿議行。以後地方文武實力遵守。海疆庶可永慶安恬矣。凡八武成。蒙佑自

今。羣。敢。弛。惕。乾。如。日。七。德。實。無。一。焉。惟。是。敬。勤。勵。以。永。年。

乾隆五十三年歲次戊申秋八月吉日立

御製平定臺灣二十功臣像贊序

近著勦滅臺灣逆賊。生擒林爽文。紀事語。以爲伊犁回部。金川三大事。各有耑文。王倫蘇四十三田五次三事。不足。藉其功。若茲林爽文之勦滅。介於六者間。雖弗稱大事。而亦不爲小矣。故其次三託未紀勦圖像。而茲福康安海蘭察等渡海搜山。竟成偉勲。靖海疆。吁。亦勞矣。不可湮其功。而弗識。故於紫光閣紀勦圖像。一如向三大事之爲。然究以一區海濱。數月底績。故減其百者爲五十。而朕親製贊。五十者爲二十餘。命文臣擬撰。一如上次之式。夫用兵。豈易事哉。昔漢光武有云。每一發兵。頭髮爲白。况予古稀望。

八之年。鬚鬢早半白。而拓土開疆。過光武遠甚。更有何冀。而爲佳兵之舉。誠以海疆民命。不得不發師安靖。所爲乃應兵。非佳兵也。然亦因應兵。非佳兵。幸邀

天助。順而成功。速此。予所以感謝

鴻貺。不可以言語形容。而又不能已於言者也。昔人有言。滿洲兵至萬。橫行天下無敵。今朕所發巴圖魯侍衛章京等。纔百人。已足以當數千人之勇。綠營兵雖多。怯而無用。茲精選屯練及貴州廣東湖廣兵。得近萬人。統而用之。遂以掃巢穴。縛逆首。是綠營果無用哉。亦在率而行之者。爲之埋根倡首。有以鼓勵之耳。若福康安未渡海。以前臺灣綠營

已共有四萬餘兵。何以不能成功。則以無率而行之者。豈不然哉。且臺灣一歲三收。蔗薯更富。朕若微有量田加賦之意。以致民變。

天必罪之。不能如是成功速也。後世子孫當知此意。毋信浮論富國之言。愛民薄斂。明慎用兵。庶其恒承。

天眷耳。近日以宮商三百。逐章廢。飲其義。竟如幼年書室學詩之時。然彼時但知學其章句。而今則究其義味。因思采薇出車諸章。乃上之勞下。其義正。斯爲正雅。祈父北山諸什。乃下之怨上。其義變。斯爲變雅。夫上勞下可也。下怨上不可也。何則。下之怨上。固在下者不知忠義。然亦必在上者。

有以致之。斯則大不可也。我滿洲舊風。以不得捐軀國事。死於牖下爲恥。其抱忠知義。較祈父北山之怨。上爲何如。是則緣管之多。惟怯思家。伊古有之。無足多怪矣。然爲上者。不可不存采薇出車之意。更不可不知祈父北山之苦。如其一概不知。而但欲開疆擴土。是誠佳兵贖武之爲。望其有成。豈非北轅而適越乎。故因爲功臣圖贊。而申其說如此。以戒奕葉子孫。並戒萬世之用兵者。

乾隆五十三年歲在戊申春三月上澣

御製福康安奏報生擒莊大田紀事語

昨生擒林爽文。則勦滅逆賊事可稱蕪大端。茲生擒莊大田。則肅清臺灣事方稱臻盡善。二逆狼狽爲奸。得一而不

得二。餘孽尚存。慮其萌芽。且彼旣聞首禍被獲。則所以謀

自全而倖逃生。入山固易追。赴海則難捕矣。是以先事周

防。屢申飭諭。

莊大田在南路距海甚近。不慮其入山而處其入海。則追捕甚難。因屢次降旨。令福康安

等慎防其入海之路。思慮所及。隨時預勅。茲福康安盡心畫策。凡港口可以入

海者。無不移舟設卡。因聞莊大田帶同匪衆。俱在柴城。初

二日。欲往蚊率社。經番衆極力抵禦。復行退回。初五日。黎

明官軍由風港發兵。越箐穿林。遂有賊匪突出拒敵。我兵

迎擊。海蘭察率領巴圖魯侍衛奮勇齊攻。殺賊三百餘。生擒一百餘。追至柴城。賊愈衆多。然恐攻撲過急。莊大田或臨陣被殺。或乘間竄逸。轉不能悉數成擒。福康安分兵數隊。以徐合攻。自山梁佈陣。抵海岸。適烏什哈達所帶水師得順風。連檣齊至。沿海進圍。水陸合勦。自辰直至午刻。殺賊二千餘。羣賊奔潰。投水。屍浮海如鴈鷺。而獨莊大田伏匿山溝。以致生擒。是豈人力哉。

天也。二逆以么庸小民。敢興大亂。殺害生靈。無慮數萬。使獲一而逃一。未爲全美。斯皆生致闕下。正國法而快人心。反側潛消。循良樂業。福康安海蘭察等畫謀奮勇。不負任使。固

不待言。然非

天佑我師。俾獲萬全。豈易致此耶。更查康熙六十年四月朱一貴於臺灣起事。提督施世驃總兵藍廷珍於五月由澎湖進兵。至六月收復臺灣府城。計閱七日。於閏六月始擒獲朱一貴。計閱一月餘。至雍正元年四月。而餘黨悉勦盡。自朱一貴起事至臺灣全郡平定。始末閱兩年。茲林爽文於五十一年十一月起事。其黃仕簡等前後誤事。經一年。福康安等於上年十一月由鹿仔港始進兵。其間解諸羅縣之圍。克斗六門。攻破大巽社賊巢。至本年正月獲林爽文。計閱四十二日。繼獲莊大田。計閱三十二日。自林爽文起

事至臺灣全郡平定。始末共閱一年三月。是較之藍廷珍等成功更爲迅速矣。夫逆賊入內山。生番非我臣僕。性情不同。語言不通。其遵我軍令與否。未可知也。福康安示之以兵威。使知畏。給之以賞項。使知懷。其經畫周密。賢於施世驃。藍廷珍遠甚。又得海蘭察率百巴圖魯攻堅陷銳。遂得前後生獲二囚。且李侍堯悉心董理軍儲。無誤行陣。使不以李侍堯易常青之總督。則軍儲必誤。不以福康安易常青之將軍。則成功必遲。茲盡美盡善。以成功於三月之間。則

上天之所以啟佑藐躬。俾以望八之年。而獲三捷之速。則予之

所以深感

夏慈豈言語之所能形容也哉。自斯以後。所願洗兵韜甲。與民
休息。保泰持盈。日慎一日。以待歸政之年。庶不遠矣。雖然。
仔肩未卸。必不敢以娛老自息。所爲猶日孜孜。仍初志耳。
乾隆五十三年歲在戊申春三月上泮立

雍正四年

御賜朝天宮匾額

神昭海表

乾隆二年

御賜風神廟匾額

惠應波恬

乾隆五十三年

御賜朝宗宮匾額

恬瀾貽貺

康熙四十年

御賜提督臣吳英匾額對聯

作萬人敵

但使虎貔常赫濯

不教山海有烟塵

御賜提督臣施世驃匾額

壽信敦禮

乾隆三十一年

御賜提督臣吳必達之母九十一壽

贊壽延祺

廈門志卷二

分域畧一

廈門自宋以上無可攷。幅員雖小。而形勢險要。山川雄峻。前明屢被兵燹。爲倭奴僞鄭所覬覦。自康熙十九年奠定後。人民蕃庶。土地開闢。市廛殷阜。四方貨物輻湊。駁駁乎可比一大都會矣。凡一島之事。皆備載焉。曰分域畧。

沿革

宋爲嘉禾。與屬泉州府同安縣。宋名嘉禾里。以產嘉禾得名。鷺江志。宋太平興國時。統綏德鄉二十一都。統圖二十一。產嘉禾。一莖數穗。故名。

二都

統圖

二十三都

統圖

二十四都

統圖

離縣城六十里

水程七十里。在縣南海中。廣袤五十里。

同安縣志

元因之立千戶所。

明爲中左所。洪武元年。定自京師至郡縣皆立衛所。是年湯和克福州。閩地悉平。泉州置衛指揮使。領左右中前後五千戶所。隸福建都指揮使司。二十年。江夏侯周德興經畧福建。抽三丁之一爲沿海戍兵。防倭置衛所當要害處。城水灣爲永寧衛。領左右中前後五千戶所。又復設守禦千戶所。城廈門。移永寧衛中左二所兵戍守。爲中左所。設守禦千戶所。亦隸福建都指揮使。

嘉

接明會典一衛五所共船五十隻一所十船一船旗軍
一百名船有虧折有司補造損者軍自脩理中左所應
有額設兵船十隻府志僅載水寨遊
兵船額而於衛所未詳補以備考

國朝曰廈門

按明江夏侯周德興城廈門爲中左所廈門二字始見
則前已稱廈門矣景泰間徙浯嶼水寨於廈門仍其寨
名間稱浯嶼寨嗣後但稱中左所至國朝平定兩島
乃名廈門讀史紀要作夏門一名鷺嶼同安縣志廈門
一名鷺門鷺江志作鷺
江二字之義未知所本

順治十八年遷沿海居民以垣爲界三十里外悉墟其地
復爲鄭氏所據康熙二年提督馬得功復之總督李率秦

令棄其地

同安縣志

康熙二年詔舟師會剿金門廈門十月大軍克廈門

諭如順治十八年例遷界守邊廈門遂墟

武功紀盛

康熙十九年二月二十七日提督萬正色克復廈門疏留
總兵官楊嘉瑞鎮之二十二年靖海將軍施琅挂侯印駐
劉廈門嗣是水師提督開府於此移駐石滯巡檢司二十
五年以泉州府同知分防廈門雍正五年又以興泉永道

駐焉

同安縣志

形勢

大嶼盤礴近帖內地蘊之以貧儻輔之以鼓浪高居堂奧

雄視漳泉中左之鎮城也

同安縣志

中左者同安之外戶鼓浪者中左之輔車安危共之

祭獻臣清

山堂

泉視同爲唇齒。同視鷺爲咽喉。同安最衝者中左。次衝者

石潭。

滬方
見巖集

金爲泉郡之下臂。廈爲漳郡之咽喉。

海國間
見錄

同安三面距海。金廈尤爲險要。門戶之防也。

方輿
紀要

廈門四面皆海。西接寶珠高浦。東聯烈嶼金門。太武當其

南。泗洲橫於北。西南界海澄龍溪。白礁峙焉。東南出大擔。

小擔。澎湖通焉。西北有美人天馬之奇。東南擁鴻漸香山

之秀。洵泉郡名區。海濱之要地也。

爲江志
總論

鷺江山水形勢記

楊國春撰

禾島自同邑分龍迤邐西界而來。由天柱越仙旗。起伏五十里餘。崗巒重疊。東行至文圃山。嶄然屹峙。蜿蜒而下。踰龍門。過朱嶺。朱子所到處挺起大屏山。頓伏跌斷。至排頭門。列嶂橫飛。蓄勢臨江。崩洪渡海。天馬北峙。太武南雄。左輔寶珠。右弼猴嶼。日月護峽。分明。北有金髻鏡臺。鼠嶼爲送。南有東坑白巖。嵩嶼爲護。過海突起一山。如眠牛形。名牛家邨。廈之龍基焉。盤礴鬱積。崔嵬特挺。爲小文圃。金頭水肩。鎮重如大文圃。倒降兩支逆龍。如北之婆姐砦。小天馬。鈞魚翁狗嶼。虎嶼是也。又如南之觀音山。官潯山。東渡蟾蜍山是也。又東行至浮雲山。歷塘邊。南山聳焉。巒落一支。結

店前后蓮竹埕等鄉。又東起東兜山。傍抽一支。結籃后坂。上鍾宅等鄉。遂東向斷跌。翻轉南行。一山橫列二里許。雙龍合結。中有天池。養蔭龍氣。名薛嶺山。奔躍十餘里。洪濟山聳焉。劣崩巍表。爲慶島諸山之冠。其間鄉社縈纒。如后坑后埔浦園呂厝蓮坂等社。一皆行龍所縈拂也。又自洪濟東分一支。結虎山東灣湖邊何厝高林五通諸社。中從雲頂重峯疊嶂。頓跌西南。鴈塔鄉其分支也。行十餘里。至獅山。出御屏邊海南行。龍蟠虎踞。控水尖而引陽臺鶴膝。蜂腰歷天界而挺虎岫。老龍脫潤從靖山卸落。結聚入首處平地。特出三台明江夏侯周德興相陰陽觀流泉度地。

居民建城其中南分一支由石泉山越鎮南關而下勢如長蛇迴環包裹外而鼓浪嶼前拱又外而青浦諸山作案北有美頭山水雞腿爲城后界城前霞溪一水北流篋營之元繞案會潮而出東南水口則有虎頭山龍頭山對峙關鎖外有大小擔兩嶼爲捍門西南則太武鎮海旗尾護焉東北則鴻漸烈嶼環焉至若全廈水勢歸宿北則同安安海北界水會聚於廈東南西則漳州海澄東界水會歸於廈西南四水東注八面旋繞其中源於生氣朝於大旺流於因榭千形萬狀難以盡述經云火從地中特地起真形勢之奇也雖其島縱橫三十里許而山峯拱護海潮迴

環市肆繁華鄉村繡錯不減通都大邑之風此扶輿磅礴之氣所鍾可於小中見大焉

嘉禾海道說

孫雲鴻撰

廈門在宋爲嘉禾嶼屹然海中周五十餘里環嘉禾者爲嘉禾海北望高浦西界海澄東扼烈嶼南臨大海汪洋浩

瀚障以太武外與金門相爲犄角二壘防於內

大壘小壘

二擔

捍於外

大擔小擔

活與則孤懸海表控制要衝於是東南海口

布置矟鎗固若金湯潮流岐分因地屈折南分三門

大擔門小

擔門青

東岐二派南流從南而轉北東流由東而旋西島

居泉漳交錯之地故潮流亦達焉自東來者由嶼而至同

安自南來者西繞鼓浪嶼而抵漳州諸溪滙流朝宗於海潮汝潑洞常一日而再至港汊孔多噴餘波以四達斯大小帆檣之集湊遠近貿易之都會也自擔門東渡黑洋至於臺澎上接沙埕下連南灣據十閩之要會通九譯之番邦則在嘉禾海以外矣

按廈門四面東至翔風里金門島水程八十里

一潮可至出大

擔五

西至積善里鼎尾水程一潮可至約五十餘里南

至海南太武山水程半潮可至一日來回約二十餘里北至安民唐厝港水程若干里東南山海至澎湖水程七更西南至海澄龍溪交界水程若干里東北至翔風

里劉五店。汎由五通渡。水程三十里。西北至從順。里潺
美汎由高崎渡。水程三十里。

又按鷺江志載八景曰：洪濟浮日、陽臺夕照、萬壽松聲、
虎溪夜月、鴻山織雨、箕營漁火、五老凌霄、鼓浪洞天。後
人又補爲十二景。凡志皆有八景。十二景之名并繪圖
焉。廈門屹立海上。極目蒼茫。波濤拍天。沐日浴月。陰陽
開闔。變化萬狀。其佳景正不在此。且凡志所謂八景十
二景者。亦各陳陳相因。吟咏類似。殊乏趣味。故從畧焉。

山川

山川應志其脈絡。廈門廣袤不及七十里。登洪濟山
頂一覽可盡。且已詳揚國春鷺江山水形勢記。今但
分類編載。而以寺觀古蹟石
刻附入。俾遊者得流覽焉。

洪濟山在城東北二十五里。峭拔聳秀。嘉禾山脈發源於

此。嘉禾名
勝記 爲黃中諸山之冠。上爲方廣寺。有黠濟巖。雲頂

巖留雲洞

縣志作留雲岩

一片瓦風動石星石諸勝

縣志

絕頂有觀

日臺

道光五年楊登雲重修

雞鳴時遙望日如火輪從海中躍出紫

濤蒼霧間竒觀也

覽勝志

或云方廣寺卽雲頂巖山上下皆

巨石屹立一鐫天際一鐫龍門

嘉禾名勝記

山之南爲和尚石

石疊成洞可容數百人昔人避倭處中有流泉

鸞江志

明了

一中池浴德傅南式劉存德洪朝選左丞劉在業葉普亮

俱有詩刻道光十二年周凱題名石上

采補

金榜山在洪濟山西南山黃色如列榜因名一名塲老山

縣志唐文士陳黯累舉不第隱於塲老山

通志

以黯自號塲老

後人稱曰塲老山山上有石刻迎仙二字築樓其上名迎

仙樓今架梁之坎猶存。

開大

當時書堂有新羅松二本。

書

堂側石壁高十六丈名玉笏。

縣志

又有石鐫諫元石三字俱

相傳爲朱子書臨海有石俗呼鷹搏兔石黯鈞磯也今築

埭磯在田中。

府縣志

又有動石浮沉石。

閩書

五老山在城南六里山如五老形故名。

縣志

五峯並列而無

盡巖居其中。

方輿紀要

大石嵌空其下虛殿宋僧文翠建普照

寺。

府志又按普照寺僧譜院五代僧清浩建初名泗洲寺
宋治平間改普照院元至正間廢明洪武間復於兵

盛時常居大衆百餘人自唐以來興廢不一俱名普照寺

國朝康熙間靖海將軍施琅重建改名南普陀左右有

鼓山鐘山有洞名六月寒洞左有雲巢又有石窠以引水

寺右乾隆間復建龍王廟。

嘉禾名勝記

門有

御製平臺紀

功碑亭四。前有平原。爲水師演武場。壁有龕大猷。佟法海

詩。俞詩今爲苔沒。不可識。寺祀觀音大士。道光十三年僧

省已醮金重脩。

米補

文公山在城東二十一都虎山北。

鷺江志

相傳朱子嘗遊其

巔。故以爲名。右有雙石對立。名仙石。

縣志

虎山在二十一都城東三十里。山形儼然一虎蹲踞。因名。

鷺江志俗呼虎仔山

其勢北拱同安。萬歷初建塔於上。爲水口捍門。

攷縣志明郭貞一修虎山塔時再修於嘉靖二年。及廿一年雷災。至萬歷間。雷文災重修。則塔之建已久。非始於萬

歷初也。

山麓有龍湫。

湫俗

亭。下有龍洞。四時不涸。

府志山之西

四十里許爲金雞亭。與貫營港口對。嘉禾名勝記相傳昔里人

掘地得金雞。建亭跨之。故名。今爲往來孔道。縣志

虎頭山去城南里許。山臨海濱。危石聳起。上戴二小石如

虎耳。故名。與鼓浪嶼龍頭山對。縣志山下巨石壁立。前明防

倭李逢年築炮臺。鐫費於上。鷺江志字徑三尺餘。林懋時書。

俗呼爲打石字。道光十年石裂崩。其外旁有海蜃寺。采補

龍頭山在鼓浪嶼下。自曰光巖隔水與虎頭山相對。縣志

烟墩山在城東文公山東。下有官榮石。距塔頭社里許。縣志

宋幼主過此。民有餽獻者。悉予官。陸丞相秀夫書官榮刻

之。閩書或云官榮二字合成宋也。怡情集詩註

紫占山去城北四里許。在豪灶社後。勢極雄壯。高可數百

丈。石壁巉巖。綿亘數里。

鷺江志

小文圃山在城西北。去城二十里許。狀若文圃山而小。山

自縣文圃山發脈。渡海聳拔。爲島中諸山所由起。

鷺江志上

有東巖。今廢。

采補

金山在城東北。近洪水橋。山赤色無草木。故名。

縣志

橋近處

有山原寬坦。鄭氏嘗閱兵於此。中有資福院。

鷺江志俗呼後院

蜂巢山去城南三里。高懸如蜂巢。故名。前望海中。有玉沙

如帶。若隱若現。

縣志

沙長數百丈。上容百家。風水淘汰。毫無

所損。

鷺江志俗呼爲海沙坡

上有七星石。

縣志

陽臺山在城東北二里有奇。高數百丈。鷺江志 峯巒聳秀。冠

於諸山。帶溪之水出焉。縣志

鴻山在城東南里許。上有石砦遺址。石刻嘉興寨三字。采補

中一大罅。名龍喉。深不可測。相傳昔人避亂處。縣志 山腰缺

處爲鎮南關。山麓爲鴻山寺。嘉禾八景。鴻山織雨是也。鷺江

志 有前明天啟二年。福建都督徐一鳴遊擊將軍趙頗攻

勦紅夷。石刻題名。采補

鳳凰山去城南里許。鷺江志 在望高山北。相去數百步。山下

成市。上爲榕林別墅。國朝黃日紀所築。因山麓多古榕。

蔡文恭新題曰榕林。有鏡塘洗心堂。石詩屏釣鼈亭。小南

溟半笠亭。三台石。百人石。蹋雲徑。漏翠亭。披襟臺。摩青閣。

漱玉峯。榕根洞。亦靈阿賦閒亭。其島諸勝。嘉禾名勝記 瓦島二

字。林佶書。怡情泉石四字。黃任書。采補 墅中詩刻。自蔡文恭

至周凱四十有二人。文恭銘榕林池石曰一拳一勺。具山川意。時出雲雨。澤及萬類。至今稱昇

平宰相佳識

望高山在城西南。水仙宮後。高可望遠。因名。縣志 山石聳立。

下臨無地。五六月間。登此以睇海鮑。初見如一點黑子。須

臾畢現。鷺江志 石之上。鐫水天一色四字。頗大。采補 山南臨海

有元帝廟。曰武西殿。與鼓浪巖對。下有龜蛇石。浮於海面。

嘉禾名勝記

獅山去城東北四里有奇。在太平巖後。石勢嵯峨。形如伏

獅。故名。

鷲江志

上有虎磴草坪長生洞。

采補

靖山在城東一里許。

采補

東灣山在城東。距虎山五里。有天后廟。

鷲江志

東坪山在城南七里。上李社。

采補

馬隴山在城北二十里許。山麓爲馬隴社。上有石名金雞

石。鐫有呆德邱四字。相傳爲朱子書。筆蹟未肖。好事者之

談也。

采補

金交椅山在城東溪邊社。

鷲江志

宋幼主嘗登山坐此。下有

穴。甚深黑。相傳有刀劍之類。里人入穴取歸。夜輒現光怪。

投還始息

縣志

太武山在海澄縣東五十里屬漳州爲廈門外障一名太

姥山

國經上有太武夫人壇前記謂閩中未有生人時夫

人拓土以居因以名有小石城爲秦建德城高千仞周圍亘百餘里屹立海上端重聳峭其南五里鎮海衛在焉東望大海汪洋無際一陟其巔則漳泉風景盡在目中

山石多竒跡有浴仙盆仙人跡宛然旁有大石刻象徑雲根洞大字有石塔工緻卽延壽塔中可坐數十人高數仞

海中歸帆望以爲標按太武山嵩巔皆海澄縣境非屢門地而與廈門相望且爲要隘故附載焉

五通嶺在城東北三十里與烟燉山近縣志宋幼王所過乃

此嶺也

閩書

按同安縣志方輿紀要泉州府志皆云五通嶺在積善里莊坂尾路旁有二巨石夾峙高四五丈宋文天祥侍

幼主至此。題曰龍門。海澄縣志。文丞相書龍門二字在。海澄同安連界之五通嶺。漳郡志誤謂在龍門嶺。而閩書辨云。五通嶺。予嘗至其處。嶺路咋咯。非通衢也。幼主自龍窟登舟。不叶。取途於此。惟嘉禾與有五通嶺。迺幼主所過。又文丞相未嘗奉幼主南行。所云丞相或陸水相歟。攷嘉禾五通嶺爲宋幼主所過。姑從閩書。而嶺上今無二巨石龍門石刻。詳後叢談。

薛嶺在洪濟山西北。

采補

薛沙卜居於此。人稱所居嶺爲薛

嶺。嶺之南唐陳黯宅在焉。時號爲南陳北薛。

覽勝志據府志云薛令之

徙家於此號爲南陳北薛

下有覺性院。極寬敞。常住僧八九十。今圯。只

存數椽

卷二
江志

按闕書以薛令之徙居此嶺。與陳黯號爲南陳北薛。臬州府志本之。而同安縣志引覽勝志辨論令之本傳不載。其遷寓同安。以沙爲龍溪尉。因居於此。又考朱子金榜山記亦曰令之之孫。今從縣志。

白鶴嶺在中巖西北。去城東里許。常有鶴棲其上。故名。舊爲大道。築石爲門。建石亭於門右。亭南爲白鶴巖。明島上有能詩者過此。得野雲度嶺疑歸鶴。澗水流霞想落花句。

由是得名

鷺江志

禪師公嶺在城南里許。道通鎮南關。

采補

西孤嶺在城東北近金榜山

縣志

寶山巖去城北十里在吳倉社後一名董內巖地甚幽僻

嘉禾名勝記

中建寺有泉名聖泉相傳宋幼主嘗掬飲之

嘉禾縣志

虎溪巖一名玉屏山在城東二里有奇

縣志

有稜層洞洞後

名一線天北轉爲石丁匝以石闌石上鐫摹天二字山門

巨石鐫先露一芽四字

嘉禾名勝記案巖中石刻又有天門玉蟾飛鯨飛鯨稜層靈則名虎

溪泉一線天劃然長嘯凌空一漸碧海澄入我門來引人入勝凡十數處惟稜層二字最大最佳與摹天二字皆

明林懋時書

明池顯方建利名玉屏秣陵將軍胡真卿建嘯風

亭國朝康熙間威畧將軍吳英重建雍正間同知李暉

脩府志有大雄殿準提閣彌勒樓供佛泉飛鯨石有橋有古

榕數十株。

嘉禾名勝記

有石佛。又有一洞名小空洞。

采山志

山之南

爲白鹿洞。左右多崩崖立石。中有亭榭掩映林端。

縣志

舊建

大觀樓。宛在洞接。因亭乾隆間再拓六合洞。朝天洞。街山

亭。

鶯江志

明時與虎溪合而爲一。有泉曰龍泉。又曰琮琤。有

半月池。

嘉禾名勝記

上有石室。祀關帝。洞前後有廣陵朱一馮

及晉陽趙紆題名。俱天啟癸亥年刻。

醉仙巖在城東虎溪巖北。巖石下有竅深二尺。挹而復滿。

味甘可釀。故名醉仙。

閩書

或曰遠望巖石若醉人偃臥。以形

名。

嘉禾名勝記

里人池浴德甃爲井。塑九仙祀之。

府志

名醴泉巖。

巖巔巨石刻天界及仙巖四大字。上有寺名天界。國朝

僧月松募建。有仙跡石棋局。

縣志

寺後有長嘯洞。前明征倭

諸將勒詩於壁。又有黃亭。

釋月松有黃亭載鸞江志

曠怡臺諸勝。

嘉禾名勝

記

萬石巖去城東二里許。磊石挿天。巖扉鐫閭漁二字。旁有

石洞深可半里。紆迴曲折。泉流其中。廊處可坐數十人名。

小桃源。李暉鐫水鳴韶三字於石上。異其聲也。國朝康

熙間。施琅建寺。

府志

沿澗上行至一石門。鐫鎖雲二字。卽鄭

成功刺鄭聯處也。再進有象鼻峯。萬笏朝天諸石刻。上有

一覽亭可觀海。

鸞江志

中巖在萬石巖上。

縣志

界萬石太平二巖中。因名。

嘉禾名勝記

一

名鷓鴣巖

鷓鴣江志

山門題歡喜地三字。有石當戶。鐫玉笏二

字。古榕盤屈狀若蟠龍。拾級而登。俯臨絕壑。

嘉禾名勝記

有佛

殿。有將士亭。祀澎湖諸將陣亡。

鷓鴣江志

太平巖去城東二里許。在萬石巖之東。中巖之上。舊爲鄭

氏讀書所。

鷓鴣江志

山徑皆巨石夾道。狹窄如帶。巖前有石如

開口狀。鐫石笑二字。行數武。又一大石。鐫極樂天三字。後

有石洞。泉流不竭。佛宇禪房。左右數椽。

嘉禾名勝記

碧山巖去城南三里許。在石滄司署後。

嘉禾名勝記

始築小宇。

祀觀音大士。後僧慈惠漸次闢之。

鷓鴣江志

前有風動石。有泉

名碧山泉。

采補

碧泉巖去城南四里許。與普照寺相近。一名石室寺。有泉從石罅出。寺僧琢石爲溝引之。石室旁巨石李廷機鐫碧泉二字。又有草書飛泉二字。不署名。舊志以爲林太常宗載書也。山門兩壁屹立。右有萬歷閔陳第沈有容題名。左題龍洲卧岡四字。寺今圯。僧霧雲墓卽在山門下。補正

石泉巖在城東二里許。有石穴如門。可容出入。內有泉從穴中出。石刻磊泉二字。以此。又有鏡於側曰孤嶂。何年留鐵骨寒泉。終古結冰心。去磊泉數丈。又有一泉曰小石泉。名冽泉。與石泉隔一山。味同而流少。僧取以售焉。今爲民

居所壓。僅見泉穴。

鷺江志嘉禾名勝記

紫雲巖在城東。去醉仙巖半里。路曲折。巖有石門如關隘。與馬不能通。就溪中架石橋以通游屐。樵溪之水出焉。昔

名達中菴。因祀梓潼帝君。故改今名。嘉禾名勝記 下有小洞。洞

中泉清而冽。洞左有蛟洞。旁有果巖。巖前原有放生池。僧

道皎鑄慈湖二字。巖後有碧蓮寺。過樵溪。其高處卽高讀

巖。相傳爲鄭氏讀書處。今俱廢。嘉禾志

壽山巖去城東里許。一名半山堂。以其居市與山之半。因

名。嘉禾志

萬壽巖在陽臺山之東。嘉禾志 一名山邊巖。嘉禾名勝記 自太平

巖越山二里許有寺。松林鬱茂。右有巨石鑄無量壽佛四

字左右石洞

府志

名一片瓦卽八景所謂萬壽松聲也石

明人詩二首無姓名俗傳爲俞戚二公作

巖有鐘高二尺有奇徑三尺舞

以下于以上俱有記乃宋開寶六年將仕郎林仁著詩填馬福院萬歷開院廢爲仙遊窟者所得忠羽校尉陳人勳售置於此里人章紹本云

鼓浪巖廈門東南五里在海中長里許上有小山民居田

園村舍

按方輿紀要在大嶽西舊有民居洪武二十年悉遷內地成化以後漸復其舊

鄭氏屯兵

於此

上有舊岩遺址

左有劍石印石浮海面下有鹿耳礁燕尾礁

鷺江志

東爲日光巖

亦曰晃巖上有龍頭石俗名龍頭山石池直夫居其下有晃園極花竹之勝

刻鼓浪洞天四大字有寺乾隆間僧瑞琳募脩

縣志舊惟石

室一間後建高樓及旭亭旁有小洞堪避暑

嘉禾名勝記今寺圯巖

之西有瑞曉菴與水仙宮隔水相對俗呼三邱田

又名三和宮今

改法海院曠壯麗菴後石筆有王得祥題記

負山臨海舟可直抵其下

鷺江有

雞鳴石海中有警輒鳴後有金帶水

宋初王投金帶處

多浮石有

泉名拂淨泉味甘海舶取汲焉里人以小舟載水鬻於市

又有三片石產海苔味淡以爲珍品

補

浯嶼在廈門南大海中水道四通爲海澄同安二邑門戶

府志嶼對金門之陳坑

明

江夏侯周德興置水寨成化中

寨移廈門仍曰浯嶼寨山與崎嶇賊據爲窟穴嘉靖間復

議舊置

方輿紀要

其定爲廈門要隘今設防汛上建天后廟嶼

前有小嶼曰浯寮嶼嶼後海石叢生名九節礁

補

大擔嶼在廈門東南海中。連小擔嶼。渚與爲廈門海口。

府志

宋幼主過此。擲棄累物以浮舟。後水發光怪。漁人得古研

焉。

閩書

北建天后廟。與巔爲天燈山。

樂補

有石鵠第一津。嶼北

遠望爲白石頭。大數十丈。下有七星石。森立海中。

縣志

白石

頭在城東南去玉沙十餘里。風水所汰。潔白異常。

江志

小擔嶼周四里。與大擔嶼相對。

閩書

離浦嶼在廈門西北。

宋補

近高嶼。以與薛浦相離。故名。

閩書

寶珠嶼亦在西北。高浦前海中。沙嶼也。狀如珠。因名。

府志

竹入丈許。風颺浪淘。沙聚自若。

閩書

檳榔嶼在廈門東。與小擔嶼相望。以形名。

閩書

黃牛巖在龍腰渡。古讖云龍腰斷。黃牛平。嘉禾出公卿。閩書

泗洲巖在廈門北。周圍二里許。當縣丙方。或曰縣兩溪流

入巽方。而此巖在丙。文明之象也。閩書

白巖在廈門東北。泗洲巖東。府志周圍四里。縣治二水夾流

入海。俱經泗洲巖。是巖南下。閩書巖兩頭昂起。狀如雙鯉。朝

天有泉一泓。漁人常於此汲焉。縣志又有鼠巖。閩書

按白巖有三。一在西北。近寶珠巖。一在南海。近浯巖。此

居北海也。

鳳巖在西北。筭簞港中。又有浮沉石。隨潮汐而浮沉。閩書

青巖在南海。澄同安交界。東接小擔巖。又有紅瓜巖。采補

虎仔嶼在廈門東。金廈分界處。西北有礁名三礁。采補

鱗仔嶼在廈門北。近后蓮鄉。小渡船於此往同安。上有鰲

山宮。鷺江志

猴嶼近鼓浪嶼。采補

圭嶼在廈門西。澄廈交界處。采補屹立海中。狀如龜浮波面。

故一名龜嶼。隆慶間置城。萬歷間建塔。後俱毀。海澄縣志今塔

重修矣。采補

錢嶼在廈門西。采補去灣頭南半里。四面環海。天啟二年上

築銃城。與圭嶼木嶼爲呼應。今城址尚存。海澄縣志

木嶼在廈門西。采補圭嶼居中。錢嶼木嶼翼之前。明設城戍。

守今俱圯

海澄縣志

嵩嶼在海澄縣界。與廈門相對。漳泉二水於此交匯。

海澄縣志

宋幼主浮舟經此。適屆聖誕。羣臣構行殿呼嵩。故名。嶼北

有龜嶼。蛇嶼。羅列海中。其形甚肖。

漳州府志

樵溪在城東。近紫巖。源出獅山。曲折西流。經天界寺前。匯

於水磨坑。達於海。

縣志

水磨坑溪在城東。經萬石巖。過深田汛。至嶽廟前。入於海。

縣志

帶溪在城東北。出陽臺山。經白鶴嶺。至斗門。入於海。

縣志

雙溪在城東。一出石泉。經前園。至於橋亭。一出白鹿洞山。

下經靖山至於南門。同流滙爲霞溪。入於海。

縣志

龍舌溪在城東北。潘厝社出洪濟山。北流入海。

縣志

古樓溪在城北。出洪濟山。東流入海。

縣志

蓮溪在城東北。出洪濟山。經蓮坂社。達貧管港。入於海。

縣志

港口溪在城東。出坪山。經上李社。至曾厝垵。入於海。

縣志

霞溪在城南。采補源出雙溪。經關仔內。至後海墘。入於海。

采補

前後溪在城東北。禾窰社。前後一出紫占山。經萬壽寺前。

一出西孤嶺。經金榜山後。皆滙貧管港。入於海。

縣志

虎溪在城東玉屏山下。

采補

貧管港在城北。長可十里許。濶四里有奇。中有鳳嶼。

鷺江志

蓮溪及前後溪之水出焉。又篔簹港口有動石。潮至自動。又有浮沉石。潮至則浮。退則沉。風將起。石下有聲。名石虎。

礁。縣志。

鍾宅港在城北。近五通。潮至洪水橋。

采補。

東埭港在城北。近目厝社。

采補。

大擔門港在嘉禾海南。大小擔嶼之海口中。多礁石。海船

由此出入。

采補。

小擔門港在嘉禾海南。與大擔門港相接連。礁石較少。海

船出入於此爲多。

采補。

青真門港在嘉禾海南。與小擔門港並列。大船出入於此。

補采

龍船河在城西美頭山前與海隔一岸

鷺江志

長寮河在城南袁厝山下一名鯤池。中浮小洲曰桂洲。前

傅氏產。今爲官池。歲徵餉銀。提標參將掌之。夏月種薺菜。

俗名薺菜河

鷺江志

東去百十步有黃厝河

采補

柳樹河在城東北。舊多柳。因名。今河塞。柳亦無存。地爲

巡道號廳。前有洞源宮。

鷺江志

嶽前河在城北嶽廟前。近接魁星河。中浮小洲。建寺爲荷

菴

鷺江志

四面環水。大可一畝。植竹爲垣。架石爲橋。

嘉禾名勝記

乾隆間。海澄公黃仕簡提督廈門。重建。

采補

魁星河在城北。上有魁星石。縣志形如魁星。故名。江志其西

有魁星閣。祀梓潼帝君暨魁星。乾隆五十年分巡道萬鍾

傑建。道光二年巡道倪琇改建。十年巡道周凱復其舊制。

采補

月眉池在城西傅氏墓前。形如弦月。故名。縣志亦種薺菜。江志

志

雙蓮池在城西朝天宮下。江志兩池一岸水相通。因名。縣志

演武池在城南灣仔社口較場側。相傳鄭氏演武處也。今

為民田灌注。江志

放生池去城東二里許。在景通橋下。嘉禾名勝記

龍湫潭在城東北洪塘舊傳有龍穿地而出分爲三竇下

通一穴

閩書

蛟井在嘉禾里石盤成穴宋紹興甲寅秋虹嘗飲之

縣志

都圖

同安縣宋設四鄉

永豐明盛
接德武德

後存三鄉并爲二十七里又

并爲十一里

長興同禾民安從順朝風成
化歸德仁德安仁積善嘉禾

元改爲四十四

都明改三十七都統圖五十三國朝乾隆四十年分

風民安二里同禾里五六七都歸馬巷

縣志

嘉禾里在同安縣綏德鄉二十一都二十二都

統圖

二十三都

統圖

二十四都

統圖

共領四十五保

縣志

四社

於二十一都內附城
市廛民居分爲四社

福山社

轄四保

前園保

鷺江志無

外清保

南聯溪保

鷺江志無

南雙溪保

鷺江志
作雙溪

懷德社

轄四保

吳厝保

鷺江志作
岐吳厝保

溪岸保

岐西上保

岐西下保

附寨社

轄五保

永豐保

西江保

連真保

鷺江志無
西江連
真作連西永豐保

新和保

大中保

和鳳前後社

轄五保

張厝前保

張厝後保

黃厝保

廈門港保

鼓浪嶼保

此保縣志無

二十一都一圖

五通渡店裏

湖邊高林

黃水橋

西官保

北山保

西林保

昭塘保

福相上保

福相下保

二十二都一圖

曾厝按塔頭

小高浦古浪嶼

東湧

古村保

何小嶺保 江志有嶺堯保無何小嶺保

長塔上保

長塔中保

長塔下保

縣志不分上中下

曾溪保

院巖保

二十三都

一圖二圖

蓮坂中左所

豪社烏石浦

吳倉埭頭

呂厝

厚西上保

厚西下保

縣志不分上下

慶湖保

呂厝保

仙蓮上保

仙蓮下保

縣志不分上下

吳豪保

後山吳倉田

吳豪保

麻龜甲鷺江志作吳毫保不分甲

二十四都

一圖二圖

店前高崎

鐘宅石湖

竹坑坂上

壕口渡寨上

竹坑保

護安保

鷺江志作
護官保

店前保

寨上保

後蓮保

鍾宅保

鷺江志有
縣志無

湖蓮保

鍾宅
引

按廈門四面環海。舟檣畢集。宵小易於藏奸。自來分裂地段。每保各設保長。督同甲長。互相稽查。夜則令十家爲團。共燃一燈。輪流支更。守望相助。隆冬倍加防範。於各保要隘。設立柵欄。以禁夜行。文武各官。隨時巡察。庶幾不致日久廢弛。以靖閭閻。而絕奸宄。

街市

橋亭街

在南門外

火燒街

在鳳儀宮後

盤街

在外關帝廟左邊

磁街

在盤街中直行向海

中街

在紙街左邊

石埕街

在懷德宮前

紙街

在外關帝廟右邊

木屐街

在中街頭

提督街

在磁街右邊

局口街

在長寮河墘

菜媽街

在海岸隘門內

神前街

在外關帝廟前

塔仔街

在大使官前

轎巷街

在火燒街橫過

竹仔街

與提督街連

亭仔下街

在中街橫頭

新街仔

在大使官後

港仔口街

在亭仔下街轉灣

走馬路街

在廿四崎上

橋仔頭街

在北門外

五崎頂街

在走馬路轉灣

關仔內街

在四門外

島美路頭街

與港仔口接連

廈門港市仔街

在團山宮後

關帝廟後街

在廟後同安縣志

以上皆采鷺江志

按廈門街市窄狹。民居稠密。架蓆片薄板蔽日。而又堆積糞土。薰蒸潮濕。宜時疏其溝道。俾水得暢流。宜洩溼鬱。道光十年。廈防同知許原清疏溝最善。并立石禁止堆積糞土。石上夜燃燈。以爲路燈。

墟集

油市在海岸內武廟前。每歲自十月起至二月止。卯辰二時。鄉間落花生油齊集於此。發兌舖戶及買販者。

某市在東門外三官宮前。每日黎明諸菜畢集。青蔥夾道。轉售諸小店及負販者。

猪子墟在新填地鬼子潭。每旬以一六爲期。販賣小猪。舊路頭鬻販雜穀瓜瓠。每日乘潮長而至。無墟集之名。洪本部渡頭鬻販菜豆莢。亦乘潮長而至。

提督路頭鬻販雜果芋頭鹽筍。由行口轉售雙涵破墓各鄉。地爪黎明集聚於此。負販者四更時由厦城紛紛到處。買回散賣往返二十餘里。貧民日食半資以爲糗糧。以上采補

唐埭

方塘

濶五丈深五尺灌田二尾塘濶五丈
十頃鷺江志作濶五尺八頃鷺江志作濶五尺

雞髻塘

闊一丈三尺深五尺灌田四畝鷺江志作灌田四頃七畝

歐塘

闊七丈深六尺灌田十頃鷺江志作灌田四十頃

瓦厝口塘

闊十丈深五尺

薛尾塘

闊六丈深五尺

后洋蔡塘

闊五尺深五尺灌田一十二頃八畝

洋塘

闊四丈深五尺鷺江志作闊六丈

墩上塘

闊四丈深五尺以上九塘現存

洪塘橋官塘

灌田十八頃闊五丈深五尺

古樓徐塘

闊五丈深七尺灌田十五頃以上二塘廢

下行坡

闊一丈深八尺現有鷺江志作闊三丈

月眉池

在西門外形如半月故名

演武池

在灣仔社舊爲鄉成功演武處

雙連池

在西門外上官下兩池相連中隔一岸故名

魁星河

在北門魁星石下故名

龍船河

在尾頭山前與海隔一岸

長寮河

俗呼甕菜河
在袁厝山下

按舊名甕池中有小洲曰桂洲鷺江志云明時傅家物也今上流岸左右兩河尚屬傅家以岸橫直爲界同安縣歲徵錢糧七錢其下爲官池歲徵餉兩
系將亭之夏月種甕菜甘美異於他處

嶽前河

在東嶽廟前中有
小洲荷菴在焉

柳樹河

在北門外洞源官邊舊有柳樹故名今
河已滿柳亦無存地爲道衙門掛號

蛟井

在嘉禾里石盤成穴宋
紹興甲寅秋虹嘗飲之新埭在厦
渡頭

高林埭

陳處埭

薛鶴埭

蓮坂埭

浦東埭

曾埭

以上俱
縣志

陳埭

鷺江
志

津灣

得勝渡

平臺得勝故名亦名覆官路頭

島美渡

橫洋青浦等船所泊海關設焉

典寶渡

磁街渡

嵩嶼玉洲小渡船泊此

打鐵渡

同安南安等船泊此

新渡

石碼灣登島嶼石美等船泊此

水仙官渡

金門渡船海澄石碼等船泊此

寮仔後渡

島美西嶼等船泊此

太史巷渡

漳浦漳州等船泊此

港仔口渡

竹樹脚渡

舊有小路頭因葉姓以海中小嶼填築廣闊往來渡船移泊焉亦名新填地

洪本部渡

海氣時洪旭居此故名

小史巷渡

東渡

近竹坑宋元明設官渡號東渡抵嵩嶼往漳州之道也渡廢址存鷺江志作牛家村嶼

五通渡

存泉州大路過劉五店水程三十里

高崎渡

往同安大路過海尾水程三十里

打石字渡

在虎頭山南大徑後石等船泊此旁有石壁立海邊明防後時李逢年修築砲臺鑄其費於上

故渡因以名

蟹仔嶼渡

小渡船行同安

龍泉宮渡

哨船官兵由

此出入爲便

以

鷺江志

按廈門渡連列者十三各處大小船輳集停泊乃通商要地五通高崎二渡乃官軍郵書往來北行大道打石字龍泉宮出入者亦多而東渡係前代舊設存古蹟也餘僻處小路不載廈門無橋梁惟洪塘橋一處僅存其名餘有架石爲梁者皆不以橋名故毋庸載

牛家邨灣

宋元明設官渡號東渡今廢石路猶存現作餉館

石湖灣

有大石橋數十丈明設石湖司有小寨基焉前對高浦所

下尾火燒灣

有鹽場
在此西

塔頭灣

在二十二都明洪武二十年周
曰塔頭司自石湖徙此城周一
置巡檢司名

七尺窩舖四南北門
二萬歷開城亦圯

東灣

離虎仔山五
里有天后廟

以上鷺江志

灣甲附

神前灣

長塔灣

涵前灣

高崎灣

鼓浪嶼灣

舖透

同安縣向於和鳳保設金門廈門二舖高崎設草市舖乾
隆二十六年以烏泥康力兌山集美高崎蓮坂等六舖舖

務稀少裁汰僅存金廈和鳳二舖添設小路六舖。

廈門五通舖

額設司兵二名上接到五店舖下接蛟塘舖

蛟塘舖

額設司兵二名上接五通舖下接金雞亭舖

金雞亭舖

額設司兵二名上接蛟塘舖下接廈門和鳳舖

廈門和鳳舖

額設司兵二名上接金雞亭下將公文交船戶帶往臺灣澎湖投遞

金門和鳳舖

額設司兵二名上接和鳳舖下將公文交船戶帶往金門各衙門分投

又另設一舖

石滬舖

額設司兵二名渡夫一名與金門渡口一舖相對

以上縣志

接司兵每名年給工食銀三兩一錢二分歸同安縣造報。凡臺灣鎮道夾板公文過海由廈防廳隨時具報以

察稽遲。廈門平時無驛。自同安大輪驛遞至廈門各舖。飛遞如臺灣有警。奉檄添設腰站。則由縣專設廈門站。

分域畧二

城寨

廈門城在嘉禾巖。洪武二十七年江夏侯周德興造。周四百二十五丈。高連女牆一丈九尺。窩舖二十有二。

鷺江志城濶八

尺五。城子四百九十六

門四。東曰啟明。西曰懷音。南曰洽德。北曰潢

樞。各建樓其上。徙永寧衛中左千戶所官軍守禦。

縣志轄東

漫五通二寨。

一統志通志築城作洪武十七年。一統志府志皆作二十七年。攷明紀命江夏侯周

德興巡視海島築城及置沿海巡檢司。乃洪武二十一年事。而城廈門或二十七年也。

永樂十五年都指揮谷祥增高三尺。四門增砌月城。縣志

正統八年都指揮劉亮督千戶韓添增築四門敵樓。城內

外皆甃以石。城北有望高石。可全取山海之勝。縣志 甃江

八角亭其上。按北門最高。可
以遠眺鳳凰山。別有望高一畝。

萬曆三十年掌印千戶黃鑾重新所署及城。甃江志

國朝

康熙二十年總督李率奏令墮島城。二十二年靖海侯施

琅表奏重葺城窩。二十四年拓而廣之。周六百丈。縣志

乾隆十七年知同安縣張元芝重修。縣志以貢生黃
名芳董其事

嘉慶十一年浙閩總督溫成惠阿林保巡撫汪志伊鑄造

鐵礮二位增設於四門礮重二千觔

塔頭城明江夏侯周德興造爲塔頭巡檢司城周一百三

十丈

隆慶志作一百四十丈

基廣八尺高一丈七尺窩舖四南北門

二今圯

高崎寨在廈門西北臨海石砲臺一座乾隆二十二年設

東嶼寨在廈門東

五通寨在廈門東北

浴巖寨在廈門南周德興設與嘉禾里隔海七十里

大擔寨

嘉慶七年設上下二石寨

小擔寨

嘉慶七年設

青巖寨。

鴻山頂寨。相傳爲鄭氏所築。石刻嘉興寨三字。今廢。

鼓浪嶼龍頭山寨。相傳爲鄭成功頓兵于此所築。今廢。

陽臺山頂名羊角寨。相傳鄭成功劄兵之處。廢址尚存。中

有石穴深黑莫測。人跡罕到。嘗藏奸于此。

以上采補

官署

興泉永道署在北門城外。魁星石下。雍正五年建。總督劉世明奏准以興泉道改駐廈門。買貢生黃鍾房屋基地於柳樹河。價銀一千二十七兩。因原估工料銀一千四百五十六兩不敷。建蓋添估銀一千一百三十四兩。仍不敷。延

至乾隆三年。廈門各鋪戶鳩銀一千兩助工。四年八月工

竣。檣是時巡道爲朱叔權。自照牆轅門大門二門大堂二

堂規模粗具。以署前後左右開曠餘地。許在轅各役蓋房

居住。嗣後私相典賣。乾隆五十年巡道王右弼清釐界地

設立更寮。檣案不全乾隆五十九年巡道德泰復行葺蓋二堂。

有樓曰天乙樓。樓後有春暉堂。署中最高處二堂。西爲承

恩堂。前設射圃。後有佐岳軒。舊名依巖室。半亭二堂。東有

涵山閣。關帝祠。祠前有屋三重。以居幕賓。又東爲庖厨羣

房。祠後爲東上房。有瑤圃觀月臺。與春暉堂通。作內署。嘉

慶二十年。巡道倪琇改關帝祠東羣房爲書屋三間。又於

射圃西拓地構屋二重各三間道光十一年巡道周凱重
加脩葺改建涵山閣爲延青閣

系廣縣志增補

今按道署坐乾向巽兼辰戌內署共正屋四十四間耳
房不計大堂西爲官廳一禮科一吏戶科一吏兵科一
軍工科一土地祠一刑土科二承發科三共十一間大
堂東門役四皂班三共七間儀門東福德祠三西軍牢
二買辦一共六間大門東材官班五在棚內民壯班四健
步班八大門西舍人班五在棚內號房二轎班房七共二
十八間又馬房一間在轎班對過轅門外東西鼓吹亭旗杆
轅門西洞源官屋二間官外二間并空地一片

洞源官爲

道署 韓門東魁星閣閣後屋二間閣初平矮倪琇改建

香火大士下祀文員於公署多不利周凱莅任皆屬道署其

四至東至魁星閣南至洞源宮西至號房後北至署後

街更寮爲界其私被典賣者不可問矣嘉慶二十四年

道篆四月夜見關帝祠前榕樹放光星星如螢火作榕

神祠於下今存又署東有小山山有魁星星石前有池可

以蓄魚秉鉞欲建園以調任而止周凱莅任欲爲之

因下有池林彭三姓祖塋未便作僑園記以寓意

廈防同知署在城外廈門港保鴻山寺之東康熙二十五

年移泉州海防同知駐廈門建乾隆十七年攝廳事白瀛

重修三十年同知黃彬建監獄十四間以禁臺遞人犯嘉

慶十八年間同知葉紹棻重修縣志

今按廳署自康熙二十五年買莫姓山場建蓋坐向未
兼癸丁照牆內旗杆二左右建二坊書撫綏象寄安集
梯航八字坊側民壯房各一大門內東快班房一軍牢
房一吏總科一。地租科一。海防科二。承發科四。福德祠
一。門役房一。共十二間。西皂班房一。長班房一。民壯房
一。刑房一。倉儲科一。總捕科一。共六間。監獄十四間。儀
門內東值堂房一。贖物庫三。總捕科三。共七間。西庫房
一。海防科一。總捕科一。共三間。乾隆五十二年同知劉
嘉會建。令各胥在內值宿。大堂東永寧庫。西迎賓館。中
爲煖閣。懸鏡海堂額。同知范廷謨書。一堂懸尚儉堂額。

同知許原清書內署正屋三十三間耳房不計後有樓
三間。久廢。樓後有園。關帝廟。山神廟。大仙廟各一。道光
九年署廳事。福清縣知縣任沈錯脩葺之。加以軒亭。園
中泉石卉木頗饒勝概。憑欄四望。海山在目。巡道周凱
題曰快園。

石滄司巡檢署在城外廈門港保碧山巖前。康熙十九年

由石滄移駐建。

縣志

今按石滄司署係舊鑄鎗礮局基地。下尚埋殘缺之礮。
納方嗣昌地租銀一錢八分。照牆內小旗杆二。大門內
兩廡爲弓役房。二門內東爲土地祠。西爲書辦房。大堂

三間。二堂三間。傍有廊舍。內廳六間。額曰對滄堂。斯芳書。內屋五間。有廊舍。西偏有小屋三間。又厨舍前有井一口。水清冽不竭。

水師提督署在城內。康熙二十四年將軍侯施琅建。中爲正堂。東西廊爲本稿諸房。前爲露臺甬道儀門。大門外爲鼓吹亭。南爲轅門。轅門外爲將禱官廳。正堂後爲穿堂。爲內署。又後爲來同別墅。東爲夾道。西爲幕廳。內爲司廳。外爲射圃。署西爲大道。爲廳事。又有足觀堂。澄心堂。八風亭。方池。怪石。諸勝。最北有亭跨北城。爲城中最高處。可以遠望。嘉慶二十年提督王得祿重修。

水師提標中營叅將署在城東門內。

康熙時建。道光十一年提督陳化成重修。

中營守備駐防浯嶼公館在城外祖婆廟邊。卽仰園。

左營守備署在城外洪本部渡頭。

雍正十三年建。道光十一年重修。遊擊署在石碼。

右營遊擊署在西門城外雙連池。

右營守備署在西門城外打錫巷。

前營遊擊署在西門城外岐西保。

前營守備署在城外碧山巖前。

後營遊擊署在西門城外關仔內。

後營守備署在南門城外局口街。

以上各衙署俱康熙建。道光十一年提督陳化成

成捐廉重修。

閩海關監督署在養元宮

事詳關賦

軍功殿在廈門港玉沙坡

是置詳船政

演武亭較場在五老山前。

接官亭在提督路頭。

金門公館在魚仔市。

南灣公館在鳳皇山前。

五營大公館在城內提督衙旁。

同安縣公館在黃厝河。

配料館爲臺灣公館。在廈港太平橋。

提標中營軍器庫在城北門內。舊在鎮南關外。乾隆十七

年提標李有用移建今所。

左營軍器庫在城內西廡官側。

右營軍器庫在城北門內。

前營軍器庫在城隍廟右。

後營軍器庫在城北門內。

海道行署在西門外。今廢。

浯嶼水寨行署舊在西門外大教場後移石湖。今廢。

海防館在西門內。萬歷三十一年同知楊一桂建。今廢。

中左守禦千戶所。明洪武二十七年都指揮謝柱

後改名
玉柱

建兩廊列千百戶所。今廢。

參軍府舊在東門外外清。春冬汛防暫駐。今廢。

塔頭巡檢司署在塔頭城內。今廢。

書院

玉屏書院在城內東北隅。有石屹立如削。晶瑩可愛。前說有義學。海氛時鞠爲茂草。底定後將軍吳英建文昌殿。萃文亭。又建小堂一間。祀柳仙。時降乩作詩。名曰賣詩店。後戶部郎中雅奇構集德堂。增置學舍。爲士子課文。所買海之垣泥。鄉水田若干畝。歲收穀若干石。爲士子會文之需。有碑記未幾而生徒寥落。僧佔之。租入作香燈之資。假人作寓。乾隆十六年倪鴻範以南灣總兵署水師提督。與興泉

永道白瀛同知許逢元紳士黃日紀林翼池劉承業廖飛
鵬及生監共謀設學乃逐僧徒遷佛像勸紳士捐金二千
有奇于文昌殿右闢地折舊屋蓋講堂一所其旁爲齋廡
八間以其二與館役宿處餘爲學舍又其高者爲必自軒
爲三台閣與舊祀朱子萃文亭相連今奉朱子於集德堂
立石碑鐫魁字祀之規模煥然一新以是年十月興工次
年十一月工竣靡白金千八百餘兩合各屬輸捐共存銀
三百餘兩寄典生息爲每歲掌教脩金而膏火之費缺如
侍御譚尚忠任興泉永道勸紳士黃日紀等捐白金三千
餘兩交廈防廳生息每年計得息六七百兩備膏火溥檄

各屬于道署先行考試。優取生員二十名。童生二十名。送
生童各十名入院肄業。十名在外與課。不給膏火。每月三
期課文。每名給膏火一兩。每歲僉董事生員二人以輔掌
教。行之數年。士皆德之。接譚任者為蔡琛。增取新舊生十
七名在內肄業。每月每名給膏火銀一兩六錢。外肄業新
舊生童十二名。每月每名給膏火銀五錢。董事生員二名
亦各給膏火銀一兩。以資筆墨。比前較詳。凡在內肄業者
不許擅自出入。人多而地不足。紳士黃日紀復買文昌殿
左側瓦屋二十餘間。建崇德堂。芝蘭室。凝芳齋。以充學舍。
又買集德堂後瓦屋數間。賃人居住。歲得金若干兩。以貼

祭祀其朱子春秋二祭。費出垣泥田租及厝租。與捐助項內無干。每祭用猪羊各一。祭席四筵。凡與祭者。本籍皆分

胙

江志

乾隆五十三年。巡道胡世銓蒞任。以書院董理非人。幾致經費無著。飭屢防同知黃奠邦清查。追比革除積弊。重定章程。錄朱子曰鹿洞學規。陳桂林相國學約十則。與章程並刊成帙。昭示多士。以石潯司巡檢爲監院。稽查出入。專司收發。選立董事。齋長。增內外肄業生童爲二十名。以考列等三次。高下爲升降。月給膏火外。每課加紙筆費。第一名二錢。二名三名一錢。官課捐加獎賞。院長束修額定。屢

平銀二百兩。按季支送聘儀番銀八圓。盤費二十圓。贄儀八圓。開院酒席六圓。端午中秋二節十六圓。跟丁全年銀六兩。米月八斗。詳定院司存案。又捐資購買書籍。存貯書院。編號記簿。以備披閱。實存銀五千三百九十八兩零分。別截曠贏餘加賞各款。目發屢防廳。交各當舖。按月一分五釐生息。有碑記嘉慶十八年。巡道多麟代蒞任。查書院復因費用浮溢。廳胥挪移。虧銀一千兩。書籍散失。齋長凌翰稟請澈查。捐補。飭屢防廳清釐。經同知葉紹棠。薛凝度先後諭董事林雲青等十二人。勸捐番銀二千四百餘圓。修理書院。立碑費用外。合前共存生息銀計屢平六千零一

兩八分仍交典當生息。接任巡道慶善重定章程，改內肄

業生童各十名，月給膏火銀一兩八錢。外肄業生童各十

名，月給膏火銀八錢。致送院長東修用庫平。禁止抽卷私

出除逐期翻考之習。翻考謂隨課以考在前列者給與膏火。定課期飯食銀

數重刊胡前道章程。道光十一年巡道周凱飭同知許原

清重加清釐。以上據碑記規條及案牘續相序丈。

今按玉屏書院發商生息銀五千三百四十六兩二錢。

息銀作生童膏火。又另案項下銀二百兩。息銀發祭祀及館役工食。又加賞

項下銀一百五十二兩。息銀發生童紙筆。又穀價項下銀一百

十四兩。息銀備院長米價。又截曠項下銀三百十六兩一錢六

分

作修理經費

共存厦平銀六千一百二十八兩三錢六分。

每月一分五釐生息。全年應收息銀一千一百零二兩

一錢零四釐八毫。收貯廳庫。由監院董事齋長給發。會同核算贏餘。另行生息。

紫陽書院前在西門外朝天宮。康熙年間移厦門港。同知范廷謨所創也。前大門中祠宇。後講堂。雍正二年。同知馮墜拓之。又于大門兩房廂房改作二小店。年收稅銀。備燈火之用。日久弊生。生徒寥落。遂爲外人所潛蹤。甚至豢馬其中。櫺檻摧折。瓦磚毀斷。破壞幾四十年。迨李暉。胡宗文前後蒞厦。乃復設學。延師。每月課藝。胡宗文時。文風大振。

刻鷺江課士錄以示獎勵自是相沿不改延師講學遂無
虛歲但費無所出係同知捐俸每歲修金二十四圓作四
季發送生徒原定二十名與課者不計每月新舊生童或
至百人地甚窄狹至同知楊愚始行開拓將院旁注生祠
并小屋數間俱歸學舍掌教廩生蔡士捷募紳士捐金修
理講堂因水溝不通注壞牆壁改退數尺中間祠宇瓦木
朽壞重新建蓋收入數尺捐金不敷未得完工

鷺江志

乾隆四十六年廈防同知張朝縉捐俸倡修師生齋廊房
舍始備計捐金二千八百九十五兩共費用二千七百七
十五兩五錢一分餘存無幾未有膏火之設嘉慶九年廈

防同知徐汝瀾復捐倡洋銀三千九百四十五圓始設立肄業諸生膏火其修脯膳贍諸費俱視玉屏書院從減。

今按紫陽書院從前歷任勸捐銀數無考嘉慶九年同知徐汝瀾勸捐番銀三千九百四十五圓連原捐銀數共折銀五千四百七十五兩五錢二分存典生息以爲師生修金膏火除道光六年脩理院屋并挪發膏火及典舖積欠共虧銀一千餘兩外實存本銀三千六百餘兩每年計收息銀六百餘兩山長每歲修銀一百兩折番銀一百三十一圓又膳銀四十兩聘儀四兩五錢六分盤費銀十五兩二錢贄儀四兩五錢六分席儀四兩

五錢六分。兩節儀銀九兩一錢二分。全年課期席銀二十兩。跟丁六兩。生童內外肄業各十名。共四十名。內肄業每課銀一大元。外肄業每課銀一中元。共給發生童膏火銀三十元。折銀二十二兩八錢。計二十課。共番銀六百圓。折銀四百五十六兩。又每課生童一二三名各賞花紅銀四錢。計二十期。其銀一十六兩。又院內飯食工食各項經費銀二百餘兩。又就紫陽書院項內支送養正義學山長修銀六十元。折銀四十五兩六錢。聘儀費儀及節儀各三兩四分。其銀一十二兩一錢六分。又館役工食及香資等項二十七兩六錢。書院義學二處。

全年須發銀九百餘兩核計息銀尚不敷用應勸續捐
衡文書院去紫陽祠二百餘步祀梓潼神像原爲義學同
知李暉曾延師設教今歸紫陽書院此曠鷺江志

按衡文書院今改養正義學。

鷺津書院在施將軍祠側書院乃施氏家塾類曰鷺津書院今爲果勇將軍世驃祠施氏

管

廈門所社學雍正二年設

倉廩

廈門恒裕倉在廈港計八十間康熙四十二年始建乾隆
二十七年奉文再建四十二間。

官捐穀五千四百九十五石

舊捐監穀八萬一千九百四十石

新捐監穀六萬七千四百零四石五斗八升五合六勺

江西穀一萬三千三百五十五石二斗四升

臺屬監穀四萬四千零十石

裁曠春米易穀九百七十二石三斗八升六合八勺

潮穀三百石

以上額穀共二十一萬三千四百七十二石二斗一升

二合四勺

以上縣志照乾隆六十年查盤倉穀冊開

泉防廳倉在廈門港去海防署數百武雍正年間原貯額

穀八萬二千七十五石。至乾隆十三年存數十三萬三百六十八石一斗四升。貯額過多。然屢以提鎮標營駐劄之所俱留備賫。永爲定額。每年就此額穀內動支碾給兵米。春米約出穀二萬四千餘石。屬照數運補。營江志

按恒裕倉在廈門港石滄司署左側。廈門同知管理。俗稱

廳雍正間原建倉廩八十一間。以一間爲守倉者任宿乾隆二十

五年同知劉嘉會添建倉廩四十五間。共一百二十六

間。內增守宿者三間今存倉廩八十九間。餘已倒塌。原額存貯

常平穀六萬五千五百三十四石零。又新監穀九萬六千八百一十八石零。又官捐穀六千零七十餘石。其穀

一十六萬八千四百二十二石零。每年應給水師提標
金門鎮標七營兵米一萬二千四十三石。應給提標五
營兵眷米九百六十石。以臺灣嘉義縣徵收供米二萬
四千八十六石。零分配商船運倉碾給。道光八年。五營
眷米奏改折色。每石折給銀二兩。又廈金二標七營新
兵口糧。自嘉慶十年冬添募新兵二千八百名。每年應
給米四千九百餘石。後裁存四百六十七名。每年應給
米八百二十餘石。就屢倉存貯穀內借動墊給。陸續採
買歸補。

應存穀石

常平穀六萬五千五百三十四石二升六合八勺

官捐穀五千七百二十五石

新監穀十萬二千八百六十二石七斗四升

以上共應存穀一十七萬四千一百二十一石七斗六

升六合八勺

常平倉應存穀數至今無出入官捐穀項下道歷每年各捐五石穀數按年加增新

監穀一項如遇奉文撥補印數有增減而與應存原數亦不甚懸殊惟各項倉穀均有缺額或俟臺穀運補或

俟採買歸補年無定數

惠濟倉在北門外第六官邊海岸上貯五營兵穀每年四月每共給穀一石五斗每石估銀一兩每月戰餉扣銀三錢守餉扣銀二錢作五月扣抵七月扣起至十一月中止

中軍參將掌其事

江志

今裁基址猶存

廈門社倉在二十一都昭塘保社二十二都長塔保社二十三都仙蓮保社二十四都店前保社將軍祠保社鼓浪嶼保社袁厝墓社共貯社穀四千三百八十四石五斗九升四合有奇俱屬同知管理

縣志

社倉原穀共三千九十一石八斗四升五合於乾隆十九年奉文分貯廿一廿二廿三廿四四都保社及將軍祠鼓浪嶼七處令各社長副收管經理春借冬還每石加一還倉內扣二升給社長副以爲折耗紙筆之資八升歸倉自乾隆十九年起至廿一年止除耗費外共生息穀七百九

石三斗四升二合。以後約畧如前。至每戶借穀之數。多則

一石。少則三斗。生監不得妄借。

鷺江志

廈鎮義倉。在魁星河前。道光六年。巡道倪琇勸捐建設。內立豐亨豫泰四廩。貯穀以備平糶。道光四年。總督趙慎畛檄飭通省舉行義倉。倪琇捐廉為倡。廈門紳商士庶共捐銀二萬餘元。買魁星河吳姓之田築基。建蓋倉房五間。中祀先嗇之神。以左右四間為豐亨豫泰四廩。設儀門。勸董事捐戶姓氏于壁。旁建小屋各四間。為守倉者任宿之所外建倪亭一所。以供倪巡道長生祿位。董事諸紳志感戴也。外設倉門。繚以圍牆。實貯穀三千四百六十六石。餘銀存典生息。

設立倉正倉副二人專司銀數出納一年一換就董事中
揀委年終造冊查核交代時取具並無虧挪結狀設倉丁
一名看役一名專司任守道署撥民壯二名廈防廳撥捕
役二名水師營撥兵二名逐夜巡邏看守章程十七條列
後

有碑
記

查紳士黃登苑等共捐銀二萬三千九百零一圓實收
銀一萬七千九百四十一圓又收許國猷四百圓除買
吳芳美田價三百三十四圓六角建蓋義倉房屋三千
三百五十五圓零

連器具
在內

買穀三千四百六十六石用

銀七千四百六十五圓零

連船脚
在內

又置陳務滋湖蓮保

埭田受種子四十石零六斗九升價一千五百七十圓
除費用開銷外實存發典生息銀四千三百二十圓每
月一分生息。每百圓重展駝七十三兩以爲脩理倉廩辛力經費。

以上皆

檔案

湖蓮保埭田薛媽興之祖父典賣於陳務滋因佃戶抗
租陳務滋歸入義倉後薛氏子孫以未經賣絕糾訟又
以海埭坍塌被淹爲辭自道光六年以來顆粒無徵十
一年巡道周凱斷找洋銀一百三十圓買絕十二年六
月檄同知許原清親履查勘未淹者尚有若干畝勘估
築石埭長二百一十三丈上埭一百十七丈歲可收穀

千餘石

附倪巡道義善章程

一廈門義倉應因地制宜預立章程以便遵守也查向來設立義倉原備青黃不接之時借給貧民俟秋成加息完倉但廈門耕田者少率係商賈寄居或小本經紀卽有就近務農亦皆種植雜糧故產穀甚微悉仗臺米接濟倘遇風信愆期偶有缺乏之虞而土著無多若循春放秋還之例借給貧民多無恒產難望其按時追收一經短欠轉多周折是廈門義倉惟有倣照常平之法每逢米船未到糧價驟長之際無論青黃不接之時卽秋冬之間均應卽行減價平糶裨益貧民俟秋成後穀價平減仍行糶穀還倉亦屬有盈無絀自應不准出借預立章程俾各遵守

一精選倉正倉副以專責守也查義倉之設全在經理得法庶能垂諸久遠勿致虛糜故事必得三數人分理可以互相稽核議於董事或捐銀紳士中擇一公正端謹身家殷實者爲倉正專管義倉鈔記經司銀穀出納

交於我在董事及行部中擇其平正誠實善於素
莫經營者二人爲倉副分管理諸事其賬目經理一切
辦理之爭以輔之各予委托外

別專司不准替代以重責成

一預定輪年分管以杜侵蝕也查從前社倉專歸社長
一人長遠管理日久弊生往往侵蝕押借侵公濟私始
而影射繼而侵吞遂使公項變入私橐年復一年動成
無著自宜預籌杜弊之法茲議於選舉倉正副時擇選
倉正四名倉副八名分年更替輪管周而復始逐年于
開印時交代不使懸棧自可杜絕侵挪如有事故隨時
由道揀選均預行詳報立

案以免爭執而昭公允

一酌立獎勵規條以示勸懲也倉正副管理義倉事務
身涉無過者每年更替之時由道給匾褒獎三次雖管
妥協毫無貽誤者詳明院憲酌加獎勵如有侵虧辦
移過犯不合者隨時斥退追究詳辦令以次之人接管

用示
勸懲

一預定雜價各數以免冒濫也竊照義倉所貯穀石爲
數有限若概行出糶未免過濫自應預爲酌定今擬凡

臺灣米船不到，糧價每石賣銀四兩以上，准義倉動穀
賑米，每升減價五文出糶，每戶每日不得過三升，碾動
倉貯穀，不及半，或價值平減而止，如果十分昂貴，或遇
臺灣歉收，廈門實形災荒，再行隨時酌量賑濟，以期實
惠及民。

一嚴立糶穀限期，以免遲誤也。凡義倉穀石，須至隣近
各縣示糶，每年限以十月內收倉，如係冬間出糶，本年
不及，准補者，准歸下年糶買完倉，倘逾期不買，由
道查監，將倉正副記罰，仍勒限期補買，以實倉儲。
一預給酌借生息，以資經費也。查倉正副既難枵腹從
事，而看守倉廩者，亦須給以工食，他如紙筆之資，餉其
之費，及一切應用物件，皆宜籌備，擬於捐項中提出十
分之二，或交商生息，或置田收租，以爲每年經費，其平
糶時所需飯食工資，卽於糶價內隨時核
實扣除，此寸盡數糶穀貯倉，以資儲備。
一嚴禁官司干預，以絕弊端也。查建設義倉，應歸民間
管理，一切主官人役，絲毫不得干預，所有廈門義倉，甫
經創設，不過隨時官爲稽查，此外概不准
在官吏役人等，稍爲干預，如違，加倍重究。

一挑選兵壯巡守以重倉儲也查義倉雖由民管但貯穀及萬石自應照官倉之式設法防護每晷由通撥

民壯二名并移水師中營撥兵二名遇夜

住宿倉中協同地保支更巡守以重倉儲

一臨糶分委彈壓以杜滋事也當平糶之時往往易於滋事今擬義倉凡遇平糶先期呈明本道分飭地方官

并派委員弁前往

彈壓以期安謐

一糶穀擇請紳士以代監放也臨糶之時自非倉正副三人所能經理應由倉正副稟明本道何日出糶卽由

道發帖擇請平日公正端謹紳士四五人按日到倉眼同監糶監收以清流弊

一分別捐數獎勵以昭激勸也查捐輸義倉爲數多寡不一今擬如止一百兩以下者由同安縣量加獎勵二

百兩以下者由廈防廳量加獎勵三百兩上下者由道給匾獎聯數至五百兩者詳請大憲給匾獎勵數至

一千兩者一千圓者其尚義之誠實屬可嘉自應分別詳請照例奏咨給予議敘旌獎以昭激勸而示鼓勵

一墜碑刊刻姓氏以垂久遠也凡義倉已經捐輸之戶及續後隨時捐資者無論數目多寡自宜與創設規條

并出力董事姓名一併勒碑誌之
義倉以期垂示久遠而昭公義

一應出陳易新以防朽耗也倉貯穀不豐稔之歲暨臺穀接續而來市價平減均無需於出糶但恐積貯日久

倘有霉變蟲蛀等情卽應隨時出糶價銀仍交倉正收貯俟晚稻登場勒限糶完倉不得逾延俾免折耗

一公同會計歲報以備稽考也每年糶糴出入須將穀數價數並收息經費一切數目倉正倉副分別立簿登

記定限十一月內將本穀若干通盤合算本息盈虧又將本年倉中尚存舊穀若干糶入新穀若干本價若干

由倉正副訂日約齊董事公同會計造具確冊送道查考庶年年清欸以免積混

一定限交兌以專責任也查現在選擇倉正倉副未得多人堪先派倉正一人倉副一人分別經理議定一年

一替以均勞逸其首儘之倉正副將本年經管穀石銀項賬簿於次年開印之日送齊董事公同察算實穀實

賬交替輪值之倉正副授受管理由接管倉正副出具並無虧挪短少結狀送道查核不得互相隱諱致滋弊

端

一公舉常川住倉以資約束也。義倉積儲重地防範務宜謹慎。茲雖設立倉丁看役巡視看守。又撥民壯兵仗防護。究恐無人統率終難免於疎虞。必得倉正倉副輪流常川住倉庶事有統率如其不能親身值宿卽由該值年倉正副妥舉一人任倉以資約束而昭慎重。

祠廟

文昌廟在玉屏書院內祀梓潼帝君魁星朱衣之神朔望

行香春秋二祭

補采

文昌宮在道署前左偏原名玉蘊宮祀梓潼帝君魁星朱

衣之神照泉永道倪琇有碑記

補采

武廟在城西南隅祀漢壽亭侯

江志移前時文武祀據於此康熙二十四年建道

光六年提督
辭松年重修

外關帝廟在神前街坐海向街每月朔讀法於此教人許
師古有碑誌卷一

內關帝廟在海岸背海面街祀漢壽亭侯并關周二將軍
之神其周將軍極靈祈禱不絕卷一

朝宗宮在玉沙坡。

朝天宮一名上官在西門外祀天后將軍施琅平臺時禱神默

相後軍中乏水祝之得泉凱旋捐俸勸募重建縣志今碑記尚存

城隍廟與武廟相連祀城隍之神卷一

風神廟在玉沙坡雍正時勅建祀風伯之神縣志

龍神廟在玉沙坡地方官常到廟祈雨

龍王廟在南普陀右邊。祈雨同。

上帝廟卽武西殿。在草仔垵。祀元武之神。稱曰水長上帝。人祈禱者。于潮生時卽應退。則否。素稱靈異。將志

和安宮俗呼祖婆廟。在廈門中營守備署邊。祀武烈王。

大使宮在塔仔街旁。有石塔。鐫泉南佛國四字。其地明時爲海濱渡頭。水至其下。相傳神爲海水浮至不去。父老相與立廟祀之。卽唐之張許二公也。

壽宮在後崎尾。前明所建。今祀天后吳真人二神。

龍湫亭在廈廿一都。離城二十餘里。祀觀音大士。靈應異常。廟前有竇名龍湫。

媽祖宮在東灣社祀天后。三月中，鄉人例慶天后誕，先數日，廈之諸廟必遣其地名曰請香。

觀音亭在西門外祀觀音，邊界後廟廢，神託夢里人，現毫光於其地，因重建焉。靈應異於他神。

福壽宮在打鐵路頭左邊祀吳真人、天后二神，卽福山社。和鳳宮在鳳皇山下島美路頭後街祀吳真人、天后二神，卽和鳳社。

懷德宮在石埕街頭祀天后、吳真人二神，卽懷德社。以上縣志

水仙宮在望高石下明建。祀大禹、伍大夫、屈大夫、西楚霸王、魯公、幹子、閻俗，稱水神。乾

隆三十年，里人捐一千五百金重修。董事葉德芳、陳斐章。

秦靖國鄭國珍王振珪楊朝佐陳鴻士葉高攀周高先許
名揚陳時佐石日暉黃名香縣志

東嶽廟在北門外坐帶溪面仙洞崇祀東帝并十殿閻羅
明太常寺卿池浴德捨施建造

土地廟在萬壽宮巷祀福德神爲屢息諸街市土地神之
始俗呼土地公祖

雷音殿在后崎尾小嶼中有木橋數十丈通其際今易以
石祀五行神

鳳儀官在火燒街頭亦祀天妃真人之神

天長媽官在霞溪上所祀神同鳳儀

圓山宮在廈門港祀天后吳真人朔望讀法於此。

鰲山宮在后蓮鄉嶼仔嶼渡上祀吳真人明時爲官府往

來打醮所顏曰鰲山第一

以上俱鷺江志

養元宮在戶部衙邊祀天后吳真人

以下俱補采

養真宮在內關帝廟邊祀天后吳真人

迎祥宮在黃厝保祀天后吳真人

明天順間黃家捨地故俗名黃厝宮有崇禎間

碑記求壽於真人甚靈驗

福海宮在廈門港祀天后

三官宮在東門外祀三官大帝

官後有石鐫南無阿彌陀佛六字大如斗顏體極佳

相公宮在廟仔溪尾祀唐忠烈藥官雷海青之神

唐肅宗追封太

常寺卿宋高宗追封大元勳見龍田廟碑屢
形生瘡責祈禱屢效上元前後香火甚盛

靈惠宮在斗涵祀天后吳真人。

觀音亭在南門外祀觀音大士俗稱橋亭戒行僧文遠築
修空化之所塑

像佛座旁一在魁星河
無廟名俗稱阿彌陀佛

福茂宮在內柴市祀清水祖師。

普佑殿在後路頭亦祀清水祖師。

通津亭在外關帝廟前祀觀世音。

鳳山宮在外清祀天后吳真人廟亦古。

青龍宮在馬柱祀吳真人。

龍泉宮在草仔垵海濱祀天后官府渡臺
於此迎送

前園宮在大擔山後天后祖廟也。孟芟甚靈。

南壽宮在城內祀天后吳真人兩旁有四大將軍其站西下首者最靈男婦祈禱絡繹不絕。

西廡宮在西城內祀天后吳真人。

洞源宮在道署前祀天后吳真人。

洞賢宮在溪岸坐海朝山祀天后吳真人俗名真宮。

炫妙宮在橋仔頭祀吳真人嘗爲人治病有奇效酬以祀

田若干頃。

武昭殿在後路頭祀元武之神居高可以遠眺。

北帝廟在北城內祀元武之神高据城巔俯瞰全城。

武當分鎮在望高石後祀元武之神

潮源宮在寮仔後海濱祀天后

丹霞宮在西門外右營遊擊衙署左邊祀天后吳真人

慈濟宮在西門外右營遊擊衙署右邊祀天后吳真人

藥王祠在碧山巖內祀藥王

內水仙宮在菜媽街後背城面海

福節龍舟必先至此
演劇鼓棹名曰請水

三和宮在鼓浪嶼三坵田祀天后

濟壽宮在深田內祀漢北地王之神

平臺宮在先鋒營祀天后

壽山宮在火仔坡祀天后

壽山宮在吳厝巷祀吳真人

以上三宮
近年新造

貞烈義娘祠在碧山巖內義娘爲廈人故廈門有祠

後人
塑子

孫娘娘於祠中遂
忘其祠之所自始

按各鄉社俱有社神祠若灣溪社之會靈宮東邊社之
高明宮尾頭社之美仁宮西邊社之豪土宮鼓浪嶼巖
仔脚之興賢宮內厝灣之種德宮皆祀天后吳真人之
神不及備載又有靈應殿西應殿寶月殿威靈殿祀所
謂池王爺者語無可據不載廈門迎神賽會動費多金
窮極奢靡各廟必以時出巡甚至有貫刃於腮蟠蛇於
頸以爲勝經道廳出示禁止少息又鄉各祀一神家各

祀一神有病則以肩輿抬之向藥肆取藥頓飲而行神長不過尺許皆屬不經雖官禁不止病不延醫而詣神死而無悔亦閩俗最愚之惡習也

坊表

進士坊在廈門城南門內爲明嘉靖己丑進士楊廷春立

今圯

鷺江志

代巡三省侍御兩京坊在吳倉社街爲明操江軍門傅鎮

立

縣志鷺江志

大中丞坊在廈門城爲明傅鎮立今圯

縣志

大宮名卿坊在廈門城爲明嘉靖乙丑進士池浴德立今

圮

十七

功敷海表澤普天

在坊

鎮南關爲靖海將軍施琅立

功高大樹愛永甘棠坊在崎嶺爲靖海侯施琅水師提督

施世驍父子立

勲崇山海澤沛軍民坊在崎嶺爲威畧將軍吳英立

俱在

十七

江

欽賜祭壘坊在白鶴嶺深田內爲太鵬營叅將楊起麟立

采

然賜祭壘坊在紫雲巖後爲廣東左翼鎮總兵許廷桂立

盛世稱航天南都會坊在玉沙坡接官亭前乾隆三十九

年慶防園知蔣元樞建補

節孝坊在道署之左爲明池宗寶妻鄭氏立今圯坊碑猶

存

縣志

節孝坊在西邊社爲池源珍妻楊氏立

縣志

節孝坊在戶部衙爲黃國楷妻陳氏立

節孝坊在演武亭右爲許志正妻莊氏立

節孝坊在麻竈埔爲方宗漢妻涂氏立

節孝坊在將軍祠前爲黃明觀妻葉氏立

以上補采

墳墓

唐處士陳黯墓在東山社前

對山頂鐫場老山三大字

下

鑄白雲巖三字

鷺江志

唐侍御薛令之墓在下張社前有神道碑書有唐侍御

薛公之墓

鷺江志

宋知縣薛舜俞墓在菴堍社內

鷺江志

宋葉元隣墓在古樓徑旁石勒官榮二字相傳宋丞相陸秀夫所贈元隣爲宋丞相葉禹之姪才能科又詩百年骸

骨表榮名之句

鷺江志

明御史傅珙墓在西門外

采補

明都堂傅鎮墓在金榜山吳村

縣志

明知州林大梁墓在高崎

采補

明封太常卿池宗寶墓在北門外魁星石下。左三百步卽

孫舉人顯寃墓。

縣志鷺江志

明封太常卿池楊墓在陽臺山

縣志鷺江志

明太常卿池浴德墓在水仙宮後鳳皇山下今湮

縣志太常墓爲

庶孫池法賣與張鳳詔蓋屋鳳詔將墓堆剗平爲屋其子生員廷儀登時中惡病死乾隆三十六年經太常嫡孫進士光遠舉人縉舍赴巡道白瀧呈控法與鳳詔懼罪誣指光遠繼善爲骨認宗支中止嘉慶十年太常孫光潤復赴巡道王紹蘭呈控親詣寶山典舖內履勘因店屋轉售別至內外更張光潤不能確指寃處其時有旁觀鄉老知其墓在窳下不敢作証官不能決願有屋者自行擴清留存坏土以慰先賢之靈凌翰述

明同知池顯京墓在官堦巖後山

縣志

明太常卿林宗載墓在二十二都倉裏燈山

縣志

封御史郭維豐墓在虎仔山後施厝前。縣志列在明嘉靖

副使陳沃心墓在廿四都上張埔。縣志

恤刑陳士蘭墓在店前神山。縣志

知縣陳則采墓在嘉禾巖後。縣志

贈官允紀文疇墓在烏石浦。縣志

儀部紀許國墓在崎嶺。縣志

進士陳士京墓在鼓浪巖。碑鐫蓮菴之墓。縣志

都督林壯猷墓在深田內。碑書大樹王軍墓。縣志

癸未狀元黃仲聚墓在靖山頭東坡社後。萬歷癸未狀元

癸未狀元為楊廷鑑。並非黃姓。疑仲聚係武科狀元。墓碑刻承歷丙申安葬。祀姪伋立石。不知何許人。恐今無子孫。

可考附於
墳墓之末

國朝提督胡貴墓在洪山柄

縣志
江志

封資政大夫黃陳韜墓在塘邊後埔山

縣志
江志

兵部武選司員外郎河南懷慶府知府王鳳來墓在東坪

山象鼻崙

縣志
江志

贈驃騎將軍胡馨墓在吳倉鳳巖

縣志

贈驃騎將軍胡子爵墓在吳倉鳳巖

縣志

贈驃騎將軍胡士宗墓在顧厝鄉

縣志

欽賜祭葬參將楊起麟墓在白鶴嶺

以下
未補

安平協署臺灣鎮黃隆墓在白鹿洞前風動石脚

賜老副將許廷桂墓在紫雲巖後。

諸授振威將軍提督孫全謀墓在馬壠山。本家傳贈一品夫人王氏合葬。

總兵謝恩詔墓在江頭鄉。

總兵林國彩墓在靖山頭花園內。

總兵許德墓在靖山頭東坡社花園內。

誥授榮祿大夫左都督卓超墓在竹坑雙疊石。

太師墓在鴻山寺之東。上有大石鐫雙忠魂三字。墓碑書武榮鄭公翔千濤千之墓。俗呼太

師墓不知墓者何人。或疑卽唐王所封。或爲鄭氏僞職。或以爲芝龍兄弟招魂之墓。均無確據可攷。按鄭鳴達與黃

石齋迎唐王封太傅。芝龍封太師。武榮卽南安也。

三仙墓在虎頭山。昔有某烈婦以夫賭蕩傾家。恐其賣已先數日將家具賣償素所借貸者。自縊。

其衣履與子投海而死。夫知之亦投海。越日浮屍水面。裝束如故。鄉里憐之。埋於此。名三仙墓。見姚文山某烈婦傳。

按會典職官墓制。一品塋地九十步。二品八十步。三品七十步。四品六十步。五品五十步。六品四十步。七品以下二十步。皆從塋心祭步。各數至邊。庶人塋地九步。穿心十八步。不容他人侵佔。着地方官保護。勿致毀傷。奈世人惑於風水之說。見其子孫式微。謀爲已父母邱壟。甚至有恃強侵奪。設計兼并者。不惟爲國法所不宥。亦爲天理所不容。返鏡以觀自家子孫式微。又將何以處其先人也。故備載前賢之可考者。以垂久遠。

義塚

舊義塚二十九處

靖山頭 廟仔溪尾 半山堂 深田內 白鶴嶺

仙洞脚 獅山 尾頭山 水雞腿 外清箭道

禪師公嶺 萬善亭 蟹殼石 石燭山 芙蓉山

鎮南關 太師墓 育嬰堂 打石字 虎頭山

麒麟山 風櫃石 草仔坡 火仔坡 先鋒營

後崎尾 灣仔嶺 演武亭邊 沙坡尾炮臺

以上皆前任各官所置。給貧民埋葬。無碑記可考。

一鎮南關下。乾隆三十年。廈防同知黃彬置設義塚。有碑

記

一南普陀左鐘山下。嘉慶二年。廈防同知裘增壽會同水中營參將李得勝捐埋臺澎戍卒積存棺骸及屢地荒山無主骸礮。編立安土敦仁四字小碑爲記。前設墓門。四圍繚以短垣。中設大塚埋雜姓散骸。

一碧山巖左側米倉後。嘉慶十六年。廈防同知葉紹棻捐埋海蜃寺積骸及屢地無主骸礮。編前因淨瘳極樂同登八字。立小碑爲記。

一南普陀右鼓山麓。嘉慶二十三年。廈防同知葉紹棻捐埋海蜃寺積骸及屢地無主骸礮。編山川鍾秀靈爽式憑八字爲碑記。

一南普陀右側嘉慶二十五年署廈防同知咸成捐埋臺運棺骸及屨地無主骸確編佳城祥衍仁宅綬安八字爲碑記

一白鶴嶺仙洞下紫雲巖南普陀旁嘉慶二十五年廈門大疫署廈防同知咸成與泉永道倪琇置地給貧民埋葬并施棺木

一南普陀右側道光元年署廈防同知麥祥捐埋臺運棺骸及屨地無主骸確立碑標記

一南普陀左東邊鄉之狗灣圈山道光元年海蜃寺僧置買按年瘞埋臺運棺骸立有碑記

一將軍祠前後坂內道光七年都司馬大寶置。

一將軍祠前後坂內尾頭社邊新滌尾二處道光九年署道王耀辰置。

一半山堂道光十一年屢防同知許原清置。

一將軍祠前鬼仔巷道光十二年中書吳廷材置。

海蜃寺棺廠在廈門港打石字海邊。乾隆十四年虎溪僧佛敏建。 乾隆

二十七年臺灣縣夏瑚詳設太平船專運流寓兵民棺骸。於海蜃寺內設棺廠收貯。由屢防同知移知原籍廳縣。招各親屬認領以一年爲限。逾限卽就屢地埋葬。運載船戶一年正五月兩次免配兵穀。其經費臺灣一廳四縣每歲

各捐銀十兩。二十七年增捐各十五兩。共七十五兩存臺灣縣庫。給寺僧香燈祀孤銀二十四兩。餘爲埋葬之用。

每棺

一具給擡工灰土銀一兩二錢五分。每棺確四身抵棺一具給銀一兩二錢二分。三十七年增寺僧

銀六兩。後因捐解不齊。骸骨堆積過多。嘉慶元年以後。屢

防同知裘增壽葉紹棻咸成麥祥先後捐資買地掩埋。道

光元年布政司孫爾準詳定。以是年爲始。藩司及臺灣道

府三廳四縣每年各捐十五兩。共一百五十兩。給寺僧香燈銀三十

兩。脩廠費二十兩。餘百兩爲到屢掩埋之費。由臺灣餉內就司庫劃扣海蜃寺

僧資。屢防廳照赴司承領。以一年所到棺骸數目具報。如

見余留補下年不足。今寺僧僅領銀七十五兩太平船額式兩號。一

由廈防廳招募。一由臺灣縣招募。

施棺義廠。嘉慶二十五年。因疫癘時行。巡道倪琇水師中

營叅將楊繼勳。廈防同知咸成。勸捐洋銀四千一百七十

五圓。隨時施棺瘞埋。道光九年。諭董事凌翰。凌承於海岸

街建蓋義廠。董事自行捐造。歷任提督道廳各有捐施。十二年春

復大疫。紳士郭燭。出其父郭權遺資八百圓。子宗濂捐銀

二百金爲倡。共捐銀三千二百三十六圓。施捨棺木一千

零五十六具。外十一年四月至十二年八月止。實存一千

九百零七圓。內置店屋本銀一千七百四十一圓。每年息銀二百餘圓。董事凌翰。凌承

楊士儀。蘇學浩掌理。

置典吳賽店屋相連一座。在張厝前保五崎脚第二間。
陳安成店屋一座。在和鳳後保桂州墓口局口街。
曾翁氏店屋一間。在張厝前保五崎脚。

曾裕店二間。在五崎脚江厝巷口第一間第二間。

又一間在大使宮後隘門脚第二間。

買白福生等家器一付。在魚仔市輻轆街金德泉酒米
舖承稅。

按廈島地窄人稠。多四方羈旅之客。一時不得歸覲。又
有戍臺班兵。積骸海蟹寺。北邙纍纍者。重疊以葬。時爲
馬承諸畜所蹂躪。骸骨暴露。疫癘恒作。官斯土者。宜出

示禁止。令董事勸捐。隨時掩瘞。亦掩骼埋胔之政也。

育嬰堂

育嬰堂原在紫陽祠側。屢防同知李暉以學舍數間改造。名注生祠。爲育嬰之所。雇乳婦數人。月給衣食。歲久而廢。後屢防同知楊愚擴清學舍。仍歸義學署。巡道官兆麟買鎮南關下舊軍裝廢局。建爲注生祠。旁爲乳婦住宅。經理初定。卽陞任去。巡道蔡琛復集捐公費。多雇乳婦。每月給銀一兩。收養貧民幼孩。遣人挑箱巡視。遇有棄孩。輒收養之。內外之禁。立法甚嚴。又兼行善舉。改名普濟堂。以監生

林椿董其事。

鷺江志

普濟堂在鎮南關

縣志巡道蔡琛有碑記

今按育嬰堂在廈門港火仔坡坐西向東大小房屋二十間乾隆三十一年巡道蔡琛就汪生祠改為普濟堂官雇乳婦收哺女孩經費由興泉永各屬捐銀五千圓除用及續捐其存典生息三千六百四十八兩年得息銀七百兩零遴本地公正紳士董其事嘉慶九年同知徐汝瀾捐脩屋宇後歸其責於廳胥林芬乃虛報物故鬻作娼婢百弊叢生經廈防同知薛凝度斥革復捐集公費擇紳士八人每月以二人分董其事收孩領孩設堂總一人專司簿冊設門役一人專司出入復名育嬰

堂。嘉慶二十四年。署同知咸成捐銀四百五十兩零。道光六年。署同知張儀盛捐脩屋宇。道光八年。署同知黃宅中捐銀一百五十九兩六錢。現存典銀二千八百七十四兩四錢。每年二分行息。又存庫銀九百三十三兩二錢四分。發典具領生息。現共存銀三千八百零八兩六錢。

又按向例乳婦哺孩一口。每日口糧銀五分五釐三毫三絲。大建月給銀一兩六錢六分。小建月給銀一兩六錢零四釐。名曰承哺。堂內房屋不敷居住。將女孩分寄貧婦家哺養。比在堂承哺者口糧銀減半。名曰兼哺。嬰

孩至二十五月已能穀食者爲乾孩。月給口糧銀六錢六分。仍歸所哺之婦撫養。聽良家具領。或爲女。或爲苗媳。毋許爲婢轉賣。取具保鄰甘結。由董事查稟候。廳批准給領。每領孩一口。繳花禮銀兩圓。除半元賞給所哺乳婦外。餘存堂充公。